

四庫全書薈要

• 乾隆御覽本

子部

欽定四庫全書薈要

子部

荀子卷

四至
六

詳校官員外郎臣潘紹觀



荀子卷四

唐 楊倞 註

勸學篇第八

鼓功也

大補之效武王崩成王幼周公屏成王而及武王以屬

天下惡天下之倍周也

屏蔽及繼屬續也屬之欲反

履天下之籍

籍謂

天下之聽天下之斷偃然如固有之而天下不稱貪焉

國籍也

偃然猶安然固有之謂如固合有此位也

殺管叔虛殷國而天下不稱戾焉

虛讀為墟戾暴也墟殷國謂殺武庚遺殷頑民于洛邑朝歌為墟也兼制天下立七十一

國姬姓獨居五十三人而天下不稱偏焉

左氏傳成鮮對魏獻子曰

昔武王克商光有天下其兄弟之國者十有五人姬姓之國者四十人皆舉親也與此數略同言四十人蓋舉成數又曰昔周公弔二叔之不成故封建親戚以蕃周室管蔡邠霍魯衛毛聃邠雍曹滕畢原鄧邠文之昭也邠晉應韓武之穆也凡將邢茅胙祭教誨開導成王使周公之胤也餘國名淺學難盡詳究

諭於道而能揜迹於文武

開導謂開通道達揜裝也

周公歸周

周公所歸

畿內之國亦名周春秋周公黑肩蓋其後也言周公自歸其國也

反籍於成王而天下

不輟事周然而周公北面而朝之

待其固安之後北面為臣明攝政非為已

也天子也者不可以少當也不可少頃當此位也不可以假攝為

也周公所以少頃假攝天子之位蓋極宜以安周室也能則天下歸之不能則天

下去之是以周公屏成王而及武王以屬天下惡天下

之離周也成王冠成人周公歸周反籍焉明不滅主之

義也周公無天下矣鄉有天下今無天下非擅也卿請為向

下同擅與彈同言成王即無天下今有天下非奪也非彈讓與成王也爰

序序也然也序之期也故以枝代主而後越也

枝子周公武王之弟誅兄而非暴也枝子周公武王之弟誅兄而非暴也

君臣易位而非不順也

時不得已故因天下之

遂文武之業明枝主之義抑亦變化矣天下厭然猶一

也

威然順從之貌一涉反

非聖人莫之能為夫是之謂大儒之效

秦昭王問孫卿曰儒無益於人之國

漢書名爲列國編錄故以荀卿爲

孫卿孫卿子曰儒者法先王隆禮義謹乎臣子而致貴其

上者也

謹乎臣子謹使不敢爲非致極也

人主用之則勢在本朝而宜

言儒者得權勢在本朝則事皆合宜

不用則退編百姓而慤必爲順下矣

必不爲悖亂也

雖窮困凍餒必不以邪道爲貪無置錫之地而

明於持社稷之大義嗚呼而莫之能應然而通乎財萬

物養百姓之經紀

嗚呼歎辭也財與義同雖歎其莫已知無應之者而亦不怠情困素常通

於義萬物養百姓之綱紀也

勢在人上則王公之材也

在人之上謂為人君也

在人下則社稷之臣國君之寶也雖隱於窮閭漏屋人

莫不貴之道誠存也

窮閭窮僻之處閭里門也漏屋弊屋漏雨者也

仲尼將為

司寇

魯司寇也

沈猶氏不敢朝飲其羊公慎氏出其妻慎潰

氏踰境而徙

皆魯人家語曰沈猶氏常朝飲其羊以詐而人公慎氏妻逃不別慎潰氏者侈踰法

魯之驚六畜者飾之以儲備

魯之粥牛馬者不豫賈必蚤正以待之

者也

豫賈定為高價也。鄧平馬者不取高價。言仲尼必先正其身以待物。故得從化。如此賈讀為價。居

於闕黨。闕黨之子弟罔不分有親者取多。

居謂孔子。闕居闕黨之子。

弟罔不分。均有無於分均之中。有父母者取多也。

孝悌以化之也。

由孔子以孝悌化之。儒

者在本朝則美政在下位則美俗。儒之為人下如是矣。

王曰然則其為人上何如。孫卿曰其為人上也廣大矣。

志意定乎內。禮節脩乎朝。法則度量正乎官。忠信愛利

形乎下。

官百官形見也。

行一不義殺一無罪而得天下不為也。

此君義信乎人矣。通於四海則天下應之如響。

以君義通於四

海故應之如謹謹宣也言聲齊應之也

是何也則貴名白而天下治也

貴名

謂儒名可貴故近者歌謳而樂之遠者竭蹶而趨之

竭蹶

顛倒也達者顛倒趨之如不及然

四海之內若一家通達之屬莫不從

服夫是之謂人師

通達之屬謂舟車所至人力所通之處也師長也言儒者之功如此故可

以為人師長也詩曰自西自東自南自北無思不服此之謂也

詩大雅文王有聲之篇引此以明天下皆歸之

夫其為人下也如彼其為人上

也如此何謂其無益於人之國也昭王曰善先王之道

仁人隆也比中而行之

先王之道謂儒學仁人之所崇高也以其比類中道而行之不

為詭異之說不高不下
使賢不肖皆可及之也

易謂中曰禮義是也道者非天

之道非地之道人之所以道也

重說先王之道非陰陽山川怪異之事是人所

行之

君子之所道也君子之所謂賢者非能徧能人之

所能之謂也君子之所謂知者非能徧知人之所知之

謂也君子之所謂辯者非能徧辯人之所辯之謂也君

子之所謂察者非能徧察人之所察之謂也也有所正矣

苟得其正不必徧能或曰
正當為止言止於禮義

相高下視境肥序五種君子

不如農人

相視也高下原隰也境薄田也五種黍稷豆麥麻謂不失次序各當土宜也

通財

貨相美惡辨貴賤君子不如賈人

視貨物之美惡辨其貴賤也賈與估同

設規矩陳繩墨便備用君子不如工人

便備用謂精巧便於備用不

恤是非然不然之情以相薦摶以相恥作君子不若惠

施鄧析也

薦摶也謂相蹈藉摶抑皆謂相陵駕也作慙也

若夫謫德而定次

謫與

商同古字商度其德而定位次本或亦多作謫謫與決同謂斷決其德故下亦有決德而定次也

量能而

授官使賢不肖皆得其位能不能皆得其官

任使各當其才

萬

物得其宜事變得其應慎墨不得進其諛惠施鄧析不

敢竄其察

竄隱匿也言二子之察無所逃匿君子皆識也

言必當理事必當務

是然後君子之所長也凡事行有益於理者立之

行下
孟反

無益於理者廢之夫是之謂中事凡知說有益於理者

為之無益於理者舍之夫是之謂中說事行失中謂之

姦事知說失中謂之姦道姦事姦道治世之所棄而亂

世之所從服也若夫充虛之相施易也

充實也施讀曰
移移易謂使實

者虛虛
者實

堅白同異之分隔也

以堅白異同之言相分
別隔異同異已解上也是

聰耳之所不能聽也明目之所不能見也辯士之所不

能言也雖有聖人之知未能僂指也

僂疾也言雖聖人
亦不可疾速指陳

僕力主反公羊傳曰夫人不
僕何休曰傷疾也齊人言也 不知無害為君子知之無

損為小人工匠不知無害為巧君子不知無害為治

君子

卿大夫也王公好之則亂法百姓好之則亂事

事謂作業

而狂惑

慙陋之人乃始率其羣徒辯其談說明其辟稱老身長

子不知惡也

慙惡也辟音譬稱尺證反身老子長言終身不知惡之也

夫是之謂上

愚

有偏僻之見非昧然無知然亦不免於愚故曰上愚

曾不如好相雞狗之可以

為名也

有惠施鉅析之名尚不如相雞狗之名也

詩曰為鬼為蜮則不可得

有覲面目視人罔極作此好歌以極反側此之謂也

詩小

雅何人斯之篇毛云蟻短狐也醜姑也鄭云使汝為鬼
為蟻則汝誠不可得見也姑然有面目汝乃人也人相
視無有極時終必與汝相見也引此以喻狂惑之人也
我欲賤而貴愚而智貧而

富可乎曰其唯學乎彼學者行之曰士也

彼為儒學者能行則為士

也士者脩立之稱

敦慕焉君子也

敦厚慕之

知之聖人也

知之謂通於學也於

事皆通則與聖人無異也

上為聖人下為士君子孰禁我哉

為學之後則誰

能禁我使不為聖人士君子也

鄉也混然塗之人也俄而並乎堯禹豈

不賤而貴矣哉

混然無所知之貌並比也鄉音向塗與途同

鄉也效門室之

辨混然曾不能決也

效白辨別也向者明白門室之別異猶不能決言所知淺也

俄

而原仁義分是非圖迴天下於掌上而辯白黑豈不愚

而智矣哉

原本也謂知仁義之本圖謀也迴轉也言圖謀運轉天下之事如在掌上也

鄉也

胥靡之人俄而治天下之大器舉在此豈不貧而富矣

哉

胥靡刑徒人也胥相靡繫也謂鑣相聯相繫漢書所謂銀鑣者也舉皆也顏師古曰聯繫使相隨而服役

之猶今囚徒以鑣連枷也

今有人於此屑然藏千溢之寶雖行貸而

食人謂之富矣

屑然雜碎衆多之貌行貸行乞也貸士得反

彼寶也者衣之

不可衣也

下衣於既反言己為衣則不可衣著

食之不可食也賣之不可

儻售也

儻疾

然而人謂之富何也豈不大富之器誠在此

也喻學者雖未得衣食亦猶藏千金之寶也是杆杆亦富人已豈不貧而富

矣哉杆杆即于子也自足之貌莊子曰聽居居視于子也故君子無爵而貴無祿

而富不言而信不怒而威窮處而榮獨居而樂豈不至

尊至富至重至嚴之情舉積此哉舉皆也此儒學也其情皆在此故人尊貴

之故曰貴名不可以比周爭也不可以夸誕有也不可

以勢重脅也必將誠此然後就也貴名人所貴儒學之名此身也爭之

則失讓之則至遵道則積夸誕則虛遵道則自委積夸誕則尤益空虛

故君子務脩其內而讓之於外務積德於身而處之以

導道如是則貴名起之如日月天下應之如雷霆

衆應之聲

如故曰君子隱而顯微而明辭讓而勝詩曰鶴鳴于九

皋聲聞于天此之謂也

詩小雅鶴鳴之篇毛云皋澤也言身隱而名著鄭云皋澤中水

溢出所為坎自外數至九喻深遠也

鄙夫反是比周而譽俞少鄙爭而名

俞辱煩勞以求安利其身俞危

俞讀為愈

詩曰民之無良相

怨一方受爵不讓至于已斯亡此之謂也

詩小雅角弓之篇引此以

明不責己而怨人

故能小而事大辟之是猶力之少而任重也

舍粹折無適也

舍除也粹讀為碎除碎折之外無所之適言必碎折

身不肖而誣

賢是猶偃伸而好升高也指其頂者愈衆

偃伸也伸讀為身字之誤

也偃身之人而強升高則頭頂

尤低屈故指而笑之者愈衆

故明主誦德而序位所

以為不亂也忠臣誠能然後敢受職所以為不窮也分

不亂於上能不窮於下治辨之極也

不亂謂皆當其序不窮謂通於其職

列也言儒為治辨之極也

詩曰平平左右亦是率從是言上下之交

不相亂也

謂小雅采芣之篇毛云平平辨治也交謂上下相交接也

以容俗為善以

貨財為寶以養生為己至道是民德也

養生為己至道謂莊生之徒民

德言不知禮義也

行法至堅不以私欲亂所聞如是則可謂助

士矣行法至堅好脩正其所聞以撝飾其情性

行法謂行有法

度行下孟反
撝與矯同

其言多當矣而未諭也其行多當矣而未

安也其知慮多當矣而未周密也

未諭謂未盡曉其義
未安謂未得知天性

安行之也周
密謂盡善也

上則能大其所隆下則能開道不已若者

如是則可謂篤厚君子矣脩百王之法若辯白黑應當

時之變若數一二

如數一
二之易

行禮要節而安之若生四枝

要遯也節節文也言安於禮節若身之生

四枝不以違物為也要一遯反下要時同

要時立功之

巧若詔四時

遯時立功之巧謂不失機權
若天畀四時使成萬物也

平正和民之

善億萬之衆而博若一人如是則可謂賢人矣

雖博雅衆多如

理一人之少

井井兮其有條理也

井兮良易之貌有條理也

嚴嚴兮其能

敬已也

嚴兮有威重之貌能敬已不可以干非禮也嚴或作儼

分分兮其有終始

也事各當其分即無雜亂故能有終始分扶問反

厭厭兮其能長久也

厭足也亂生於

不足故知足然後能長久

樂樂兮其執道不殆也

殆危

炤炤兮其用知

之明也

炤炤明見之貌炤與照同

脩脩兮其用統類之行也

脩脩整齊之貌

統類綱紀也言事不乖悖也

綏綏兮其有文章也

綏綏安泰之貌綏或為歲疑之貌

熙熙兮其樂人之臧也

熙熙和樂之貌

隱隱兮其恐人之不當

也隱隱憂戚貌恐人之行事不當如是則可謂聖人矣

此其道出乎一易謂一曰執神而固

執持精神堅固

易謂神曰

盡善挾洽之謂神萬物莫足以傾之之謂固

挾讀為決決周洽也

神固之謂聖人聖人也者道之管也天下之道管是矣

百王之道一是矣

管樞要也是是儒學

故詩書禮樂之歸是矣詩

言是其志也

是儒之志

書言是其事也禮言是其行也樂言

是其和也春秋言是其微也

微謂儒之微旨一字為褒貶微其文隱其義之類是

也故風之所以為不逐者取是以節之也

風國風逐流湯也國風所

以不隨荒暴之君而流蕩者取聖人之儒道以節之也詩序曰變風發乎情止乎禮義發乎情民之性也止乎禮義先王之澤也小雅之所以為小雅者取是而文之也

雅正也文飾也

大雅之所以為大雅者取是而光之也頌之所以為至者取是而通之也

至謂盛德之極

天下之道畢矣鄉是者減倍

是者亡鄉是如不減倍是如不亡者自古及今未嘗有

也

是皆謂儒也鄉讀為向

客有道曰孔子曰周公其盛乎

言其德盛

身

貴而愈恭家富而愈儉勝敵而愈戒

戒備也言勝敵而益戒備苟卿之時

有客說孔子之言如此

應之曰是殆非周公之行非孔子之言武

王崩成王幼周公屏成王而及武王履天子之籍負宸

而坐

戶牖之間謂之宸

諸侯趨走堂下當是時也夫又誰為恭

矣哉兼制天下立七十一國姬姓獨居五十三人焉周

之子孫苟不狂惑者莫不為天下之顯諸侯孰謂周公

儉哉武王之誅紂也行之日以兵忌

武王發兵日以兵家所忌之日

東

面而迎太歲

迎謂逆太歲也尸子曰武王伐紂魚辛諫曰歲在北方不北征武王不從

至汜

而汜至懷而懷

汜水名懷地名書曰覃懷底績孔安國曰覃懷近河地名謂至汜而適遇水汎

漲而至懷又河水汎溢也呂氏春秋曰武王伐紂天兩日夜不休汜音祀

至共頭而山隧

其河

內縣名共頭蓋共縣之山名隨謂霍叔懼曰出三日而山石崩摧也隨讀為堅共音恭

五災至無乃不可乎

霍叔武王弟也出行也周居豐鎬軍出三日未嘗至共蓋文王三分

天下有其二境土已近於洛矣或曰至汜之後三日也

周公曰剋比干而囚箕子

飛廉惡來知政夫又惡有不可焉

比干紂賢臣箕子紂諸父箕國名子爵也

飛廉惡來皆紂之嬖臣飛廉善走惡來有力也

遂選馬而進

選揀擇也

朝食於戚暮

宿於百泉

杜元凱云戚衛邑在頓丘衛縣西百泉蓋近朝歌地名左氏傳曰晉人敗范氏于百泉

厭旦於牧之野

厭掩也夜掩於旦謂未明已前也厭於甲反

鼓之而紂卒易

鄉倒戈而攻鄉讀曰向後也

遂乘殷人而進誅紂

乘其倒戈之勢

蓋殺者非

周人因殷人也

非周人殺之因殷倒戈之勢自殺之也

故無首虜之獲無

蹈難之賞

周人無立功受賞者

反而定三革偃五兵

定息偃化也皆不用之義

三革犀也

兕也牛也考工記曰函人為甲犀甲七屬兕

甲六屬合甲五屬殷梁傳曰天子救日置五麾陳五兵

范甯云五兵矛戟鉞楯弓矢國語說齊桓定三革偃

五月韋昭云三革甲冑盾也五月乃制矛戟矢也合

天下立聲樂

合天下謂合天下諸侯歸一統也

於是武象起而韶濩廢

矣

武象周武王克殷之後樂名武亦周頌篇名詩序云武奏大武也禮記曰下管象朱干玉戚以冕而舞大

武韶濩殷樂名左氏傳曰吳季札見舞韶濩者蓋殷時兼用舜樂武王廢之也

四海之內莫不

變心易慮以化順之故外闔不開

開門

也跨天下而無斲

跨越也斯求也越天下而無求言自足也亦人皆與之不待求當是時也夫又誰為戒

矣哉

太平如此誰復備戒

造父者天下之善御者也無與馬則無

所見其能

造父周穆王之御者

羿者天下之善射者也無弓矢則

無所見其巧

羿有窮之君連夏太康而遂篡位者

大儒者善調一天下者

也無百里之地則無所見其功與固馬選矣而不能以

至遠一日而千里則非造父也弓調矢直矣而不能以

射遠中微則非羿也

善射者既能及遠又中細微之物

用百里之地而

不能以調一天下制彊暴則非大儒也彼大儒者雖隱

於窮閭漏屋無置錐之地而王公不能與之爭名在一

大夫之位則一君不能獨畜一國不能獨容成名況乎

諸侯莫不願得以為臣

己解非十
二子篇

用百里之地而千里

之國莫能與之爭勝答極暴國齊一天下而莫能傾也

是大儒之徵也

傾危
微驗

其言有類其行有禮

類善也謂比
類於善不為

狂妄
之言

其舉事無悔其持險應變曲當

險危也持危應變
皆曲得其宜當丁

浪與時遷徙與世偃仰

隨時
設教

十舉萬變其道一也是大

儒之稽也

其道一謂皆歸於治也故禹湯文武事
跡不同其於為治一也稽考也考成也

其窮

也俗儒笑之其通也英傑化之鬼瑣逃之

倍千人曰英
倍萬人曰傑

言英傑之士則慕而化之

狂怪之人則畏而逃去之

邪說畏之衆人愧之

衆人初
皆非其

所為成功之後故自愧也愧或為貴也

通則一天下窮則獨立貴名

儒名天

不能死地不能理桀跖之世不能汙非大儒莫之能立

仲尼子弓是也故有俗人者有俗儒者有雅儒者有大

儒者

辨儒者
之異也

不學問無正義以富利為隆是俗人者也逢

衣淺帶解果其冠

逢大也淺帶博帶也韓詩外傳作逢
衣博帶言帶博則約束衣服易也故

曰淺帶解果未詳或曰解果狹隘也左思魏都賦曰風俗以暨俱為嬾暨音下界反保音果嬾音獲靜好也或曰

說苑淳于髡謂齊王曰臣笑鄰國之祠田以一壺酒三
鮒魚祝曰蠃螺者宜禾汙邪者百車蠃螺蓋高地也今
冠蓋亦比之謂強略法先王而足亂世術略粗也粗法
為儒服而無其實先王之遺言
不知大體故足以亂世法韓詩外
傳作略法先王而不足於亂世

繆學雜舉不知法後

王而壹制度不知隆禮義而殺詩書

後王後世之王夫
隨當時之政而平

制度是壹也若妄引上古不合於時制度亂矣故
仲尼修春秋盡周法韓詩外傳作不知法先王也其衣

冠行偽已同於世俗矣然而不知惡者

衣冠即上所云
達衣淺帶之比

行偽謂行偽而
堅行下孟反

其言議談說已無異於墨子矣然而明

不能分別呼先王以欺愚者而求衣食焉

呼謂
稱舉

得委積

足以揜其口則揚揚如也

揚揚得意之貌

隨其長子事其便辟

舉其上客億然若終身之虜而不敢有他志是俗儒者

也

長子謂君之世子也便辟謂左右小臣親信者也便辟延反辟讀為晏舉其上客謂褒美其上客其得其

助也德字書無所見蓋環繞因拘之貌莊子曰眈然在經綬之中矣

法後王一制度隆禮

義而殺詩書其言行以有大法矣然而明不能齊

雖有大體

其所見之明猶未能齊言行使無纖介之差

法教之所不及聞見之所未至

則知不能類也

有所未知則不能取比類而通之也禮記雖先王未之有可以義起是能類者

失

知之曰知之不知曰不知內不自以誣外不自以欺

不自欺人 以是尊賢畏法而不敢怠傲是雅儒者也

有雅德之儒也

法先王統禮義一制度以淺持博以古持今以一持萬

以淺持博謂見其淺則可以執持博也先王當為後王以古持今當為以今持古皆傳寫誤也

苟仁義

之類也雖在鳥獸之中若別白黑

善類在鳥獸之中猶別況在人矣乎

倚

物怪變所未嘗聞也所未嘗見也卒然起一方則舉統

類而應之無所擬恁

倚奇也韓詩外傳作奇物怪變卒千忽反假讀為疑恁與作同奇物

怪變卒然而起人所難處者大儒知其統類故舉以應之無所故滯慙作也

張法而度之則

掩然若合符節是大儒者也

既無所疑作故開張其法以測度之則掩然如合符

節言不差錯也度大各反睦與暗同符節相合之物也
周禮門閭用符節蓋以金竹為之剖之為兩各執其一

合之以為驗也故人主用俗人則萬乘之國亡不義而好利故亡也用俗

儒則萬乘之國存僅存用雅儒則千乘之國安用大儒則

百里之地久外國多患難用大儒然後可以長久也而後三年天下為一

諸侯為臣長久之業既成又三年修德化則可以一天下臣諸侯蓋殷湯周文皆化行之後三年而

王用萬乘之國則舉錯而定一朝而伯錯讀為措伯讀為霸言一朝而

霸也不聞不若聞之聞之不若見之見之不若知之知之

不若行之學至於行之而止矣行之明也行之則通明於事也明

之謂聖人

通明於事則為聖人

聖人也者本仁義當是非齊言行

不失毫釐無他道焉已乎行之矣

當丁浪反已止也言聖人無他在止於行

其所學者也

故聞之而不見雖博必謬

雖博聞必有謬誤也

見之而不

知雖識必妄

見而不知雖能記憶必昧於指意謂若刺力然也

知之而不行雖

數必困

苟不能行雖所知多厚必至困頓也

不聞不見則雖當非仁也

雖

有所當非仁人君子之通明者也

其道百舉而百陷也

言偶中之道百舉而百陷無一

可免也

故人無師無法而知則必為盜勇則必為賊云能

則必為亂

云能自言其能

察則必為怪

惠施鄒析之比

辯則必為誕人

有師有法而知則速通勇則速威云能則速成察則速

盡辯則速論

察則速盡謂有聽察之性則能速盡物理速論謂能速論是非

故有師法

者人之大寶也無師法者人之大殃也人無師法則隆

情矣有師法則隆性矣

隆厚也厚於情謂忠其情之欲厚於性謂本於善也

而師

法者所得乎情非所受乎性不足以獨立而治

情謂喜怒哀愛惡

外物所感者也言師法之於人得於外情非天性所受故性不足獨立而治必在因外情而化之或曰情當為積所得乎積習非及於天性既非天性則不可獨立而治必在化之也性也者吾所不能

為也然而可化也

言天性非吾自能為也必在化而為之也

情也者非吾所

有也然而可為乎

言情非吾天性所有然可以外物誘而為之或曰情亦當為積積習與天

然有殊故曰非吾所有雖非所有然而可為之也

注錯習俗所以化性也

注錯猶措

置也錯

并一而不貳所以成積也

并讀為併一謂師法貳謂異端

習俗

移志安久移質

習以為俗則移其志安之既久則移本質

并一而不貳則通

於神明參於天地矣故積土而為山積水而為海旦暮

積謂之歲至高謂之天至下謂之地宇中六指謂之極

六指上下四方也盡六指之達則為六極言積近以成遠

塗之人百姓積善而全盡

謂之聖人彼求之而後得為之而後成積之而後高盡

之而後聖故聖人也者人之所積也

言其德行委積

人積耨耕

而為農夫積斲削而為工匠積反貨而為商賈

反讀為販積

禮義而為君子工匠之子莫不繼事而都國之民安習

其服

安習其土風之衣服

居楚而楚居越而越居夏而夏

謂中夏

是

非天性也積靡使然也

靡順也順其積習故能然

故人知謹注錯慎

習俗大積靡則為君子矣

大積靡謂以順積習為也

縱情性而不足

問學則為小人矣為君子則常安榮矣為小人則常危

辱矣凡人莫不欲安榮而惡危辱故唯君子為能得其

所好小人則日徼其所惡

徼與邀同招也於宵反

詩曰維此良人

弗求弗迪維彼忍心是顧是復民之貪亂寧為荼毒此

之謂也

詩大雅桑柔之篇迪進也言厲王有此善人不求而進用之忍害為惡之人反顧念而重複之

故天下之民貪亂安然為荼毒之行由王使之然也

人論

論人之善惡論虛困反

志不免於

曲私而冀人之以已為公也行不免於汙漫而冀人之

以已為脩也

汙穢也漫欺誑也漫莫叛反

其愚陋溝壑而冀人之以

已為知也是衆人也

溝音寇愚也溝壑無知也衆人謂衆庶也

志忍私然後

能公行忍情性然後能脩

忍謂矯其性行下孟反

知而好問然後

能才

其智慮不及常好問然後能有才藝

公脩而才可謂小儒矣

皆臻其不及故

為小儒也

志安公行安脩知通統類如是則可謂大儒矣大

儒者天子之三公也

具才堪王者之佐也

小儒者諸侯大夫士也

衆人者工農商賈也禮者人主之所以為羣臣寸尺尋

丈檢式也人倫盡矣

檢束也式法也度也尺寸尋丈所以知長短也檢束所以制放佚大

儒可為天子三公小儒可為諸侯大夫禮可以總統羣臣人主之柄也倫謂為論或曰倫等也言人道義盡於

禮也君子言有壇字行有防表道有一隆

累土為壇字屋邊也防隄表標

也言有壇字謂有所尊高也行有防表謂有標準也一隆謂厚於一不以異端亂之也

言道德之

求不下於安存

此道德或當為政治以下有道德之求故誤重寫耳故下云諸侯問政不及安

存則不告也謂人以政治來求則以安存國家已上之事語之

言志意之求不下於事

以脩其志意來求則語為士已上之事

言道德之求不二後王

道德教化也人以教

化來求則言當時之切所宜施行之事不二後王師告而以遠古也舍後王而言遠古是二也

道過三

代謂之蕩

道過三代已前事以久遠則為浩蕩難信也

法二後王謂之不雅

雅正也其治法不論當時之事而廣說遠古則為不正也

高之下之小之臣之不外

是矣

臣當為巨雖高下小大不出此壇宇防表也

是君子之所以騁志意於

壇宇宮庭也

宮謂之室庭門屏之內也君子雖騁志意論說不出此壇宇宮庭之內也是時百家

異說多妄引前古以亂當世故荀卿屢有此言之也故諸侯問政不及安存則不

告也匹夫問學不及為士則不教也百家之說不及先

王則不聽也

百家雜說不及先王之道妄起異端則君子不聽之也

夫是之謂君

子言有壇宇行有防表也

荀子卷四

荀子卷五

唐 楊倞 註

王制篇第九

請問為政曰賢能不待次而舉

不以官之次序若傳說起於版築為相也罷

不能不待頃而廢

頃頃也

元惡不待教而誅

不教而殺謂之虐唯元惡

不教而誅之也

中庸民不待政而化

中庸民易與為善政教則化之不待政成之後也

分未定也則有昭繆也

繆讀為穆父昭子穆言為政當分未定之時則為之分別使賢

者居上不肖者居下如昭穆之分別然不問其世族也

雖王公士大夫之子孫也

不能屬於禮義則歸之庶人雖庶人之子孫也積文學

正身行能屬於禮義則歸之卿相士大夫

屬繫也
之欲反

故姦

言姦說姦事姦能遁逃反側之民職而教之須而待之

反側不安之民也職而救之謂使各當救其本事也須而待之謂須暇之而脩其遷善也

勉之以慶

賞德之以刑罰安職則畜不安職則棄

畜養也棄謂投
四裔之比也

五疾上收而養之材而事之

五疾瘠聾跛躄斷者侏儒
各當其材使之謂若矇瞽

修聲聾聵官施而衣食之兼覆無遺
司火之屬

官為之施設所才
職而與之衣食

官為之施設所才
職而與之衣食

行反時者死無赦夫是之謂天德王者之政也

天德天覆之德

聽政之大分以善至者待之以禮以不善至者待之以

刑兩者分別則賢不肖不雜是非不亂賢不肖不雜則

英傑至是非不亂則國家治若是名聲日聞天下願令

行禁止王者之事畢矣

願謂人人皆願矣

凡聽

論聽政也

威嚴猛厲

而不好假道人

屬剛烈也假道謂以寬和假借道引人也

則下畏恐而不親

周閉而不竭

隱閉其情不竭盡也

若是則大事殆乎弛小事殆乎

遂

弛廢也遂因循也春秋傳曰遂繼事也下既隱情不敢論說則大事近於弛廢小事近於因循言不肯革

樊也和解調通好假道人而無所凝止之

和解調通則寬和不拒下也凝

定也凝止謂定止其不可也

則姦言並至嘗試之說鋒起

嘗試之說謂假借以

事試為之也莊子曰嘗試論之鋒起謂如鋒刃齊起言銳而難拒也

若是則聽大事煩是

又傷之也

聽大謂所聽之事多也傷傷政也

故法而不議則法之所不

至者必廢

議謂講論也雖有法度而不能講論則不同治故法所不至者必廢也

職而不

通則職之所不及者必隊

雖舉當其職而不能通明其類則職所不及者必隊隊與

同故法而議職而通無隱謀無遺善而百事無過非君

子莫能故公平者職之衡也中和者聽之繩也

聽聽政也衡所

以知輕重繩所以辨曲直言君子用公平中
和之道故能百事無過中和謂寬猛得中也
其有法者

以法行無法者以類舉聽之盡也

類謂比類

偏黨而無經聽

之辟也

無經謂無常法也辟讀為僻

故有良法而亂者有之矣有君

子而亂者自古及今未嘗聞也傳曰治生乎君子亂生

乎小人此之謂也

其人存則其政舉其人不亡則其政息

分均則不偏

分均謂貴

賤敵也分扶問反

勢齊則不一衆齊則不使

此皆名無差等則不可相制也

有

天有地而上下有差明王始立而處國有制

制亦謂差等

夫

兩貴之不能相事兩賤之不能相使是天數也

天之數也

勢

位齊而欲惡同物不能澹則必爭

澹讀為瞻既無等級則皆不知紀極故不

能足也

爭則亂亂則窮矣

物窮竭也

先王惡其亂也故制禮義

以分之使有貧富貴賤之等足以相兼臨者是養天下

之本也

使物有餘而不窮竭

書曰維齊非齊此之謂也

書呂刑言維齊一者

乃在不齊以諭有差等然後可以為治也

馬駭輿則君子不安輿

馬駭於車中也庶

人駭政則君子不安位

駭政不安上之政也

馬駭輿則莫若靜之

庶人駭政則莫若惠之

惠恩惠也

選賢良舉篤敬興孝悌收

孤寡補貧窮如是則庶人安政矣庶人安政然後君子

安位傳曰君者舟也庶人者水也水則載舟水則覆舟
此之謂也故君人者欲安則莫若平政愛民矣欲榮則
莫若隆禮敬士矣欲立功名則莫若尚賢使能矣是君
人者之大節也三節者當則其餘莫不當矣三節者不
當則其餘雖曲當由將無益也

曲當謂委曲皆當當丁浪反

孔子曰

大節是也小節是也上君也大節是也小節一出焉一
入焉中君也

謂一得一失也

大節非也小節雖是也吾無觀其

餘矣成侯嗣公聚斂計數之君也

成侯嗣公皆衛君也史記衛聲公卒子成

侯立成侯卒子平侯立平侯卒子嗣君立韓子曰衛嗣公重如耳愛泄姬而恐其皆因愛重以雍己也乃貴薄疑以蔽如耳尊魏妃以偶泄姬曰以是相參也又使過客關市賂之以金後召關市問其有客過與汝金汝迴達之關市大恐以嗣公為未及取民也

未及取民也

未及謂其才未及也取民謂得

明察此皆計數之類也

民子產不取民者也未及為政者也

禮記曰子產猶人之母能食之不能

教之也

管仲為政者也未及脩禮者也

言未及教化也

故脩禮者

王為政者彊取民者安聚斂者亡故王者富民霸者富

士

士卒伍也

僅存之國富大夫亡國富筐篋實府庫筐篋已

富府庫已實而百姓貧夫是之謂上溢而下漏

如器之上溢下

漏空虛可入不可以守出不可以戰則傾覆滅亡可立
立而待也

而待也故我聚之以亡敵得之以彊聚歛者召寇肥敵

亡國危身之道也故明君不蹈也王奪之人霸奪之與

彊奪之地

人謂賢人與謂國也彊國之術則奪人地也

奪之人者臣諸侯奪

之與者友諸侯奪之地者敵諸侯臣諸侯者王友諸侯

者霸敵諸侯者危用彊者

用彊力勝人非知彊道者

人之城守人之

出戰而我以力勝之也則傷人之民必甚矣傷人之民

甚則人之民惡我必甚矣人之民惡我甚則日欲與我

鬪人之城守人之出戰而我以力勝之則傷吾民必甚

矣傷吾民甚則吾民之惡我必甚矣吾民之惡我甚則

日不欲為我鬪人之民日欲與我鬪吾民日不欲為我

鬪是彊者之所以反弱也地來而民去累多而功少

累雖守者益所以守者損是以大者之所以反削也

謂地也守國以地為本故曰守者所以守者謂所以守地之人也

而不忘其敵

交接連結也既以力勝而不殺故諸侯皆欲相連結怨國而不忘與之為敵本多作

壞交接言壞其與已交接之道也

伺彊大之間承彊大之敝也知彊大

之敵此彊大之殆時也

殆危也

知彊大者不務彊也

知彊大之

術者不務以力勝也

慮以王命全其力凝其德

慮計也以用也其計慮常用王命謂

不敢擅侵暴也凝定也定其德謂不輕舉也

力全則諸侯不能弱也德凝則

諸侯不能削也天下無王霸主則常勝矣是知彊道者

也

無王霸之主則彊國常勝主或衍字

彼霸者不然辟田野實倉廩便備

用

備用足用也左傳曰無重器備

案謹募選閱材伎之士

案發聲謹嚴也募招也謹

募猶重募也選閱擇揀也材伎武藝過人者猶漢之材官也

然後漸慶賞以先之

漸進

也言進勉以慶賞也

嚴刑罰以糾之存亡繼絕衛弱禁暴而無兼

并之心則諸侯親之矣

并讀為併下同

脩友敵之道以敬接諸

侯則諸侯說之矣

說讀為悅下同

所以親之者以不并也并之

見則諸侯疏之矣

見賢備反

所以說之者以友敵也臣之見

則諸侯離矣故明其不并之行信其友敵之道

行下孟反信謂

使人不疑

天下無王霸主則常勝矣是知霸道者也

無王者則霸王

常勝也

閔王毀於五國

史記齊閔王四十年樂毅以燕趙楚魏秦破齊閔王出奔莒也桓

公劫於魯莊

公羊傳柯之盟齊桓公為魯莊公之臣曹剋所劫也

無他故焉非其

道而慮之以王也

不行其道而以計慮為王所以危亡也

彼王者不然仁

眇天下義眇天下威眇天下

眇盡也盡天下皆懷其仁感其義畏其威

仁眇

天下故天下莫不親也義眇天下故天下莫不貴也威

眇天下故天下莫敢敵也以不敵之威輔服人之道

其道

可以服人

故不戰而勝不攻而得甲兵不勞而天下服是知

王道者也知此三具者欲王而王欲霸而霸欲彊而彊

矣王者之人

王者之佐

飾動以禮義

所脩飾及衆動必以禮義也

聽斷以

類

所聽斷之事皆得其善類謂輕重得中也

明振毫末

振舉也言細微必見也

舉措應

變而不窮夫是之謂有原是王者之人也

原本也知王為政之本

者之制

說王者制度也

道不過三代法不貳後王

論王道不過夏殷周之事

過則久遠難信法不貳後王言以當世之王為法不離貳而遠取之

道過三代謂之蕩法

貳後王謂之不雅

並已解上

衣服有制宮室有度人徒有數

人徒謂士卒胥徒也

喪祭械用皆有等宜

械器也皆有等級各當其宜

聲則凡

非雅聲者舉廢

舉皆

色則凡非舊文者舉息

謂染絲畫績之事也

械

用則凡非舊器者舉毀

舊謂三代故事

夫是之謂復古是王者

之制也

謂三代故事則是復古必不遠舉也

王者之論

論謂論說實罰也虛困反

無德

不貴無能不官無功不賞無罪不罰朝無幸位民無幸

生幸微倖也

尚賢使能而等位不遺

不遺言各當其材位等級之位也

析愿

禁悍而刑罰不過

析分異也分其愿慝之民使與凶悍之民異也悍凶暴也刑罰不過但禁

之而已不刻深也

百姓曉然皆知夫為善於家而取賞於朝也

為不善於幽而蒙刑於顯也夫是之謂定論是王者之

論也

定論不易之論論不易則人知沮勸也

王者之等賦政事財萬物所

以養萬民也

等賦賦稅有等所以為等賦及政事裁制萬物皆為養人非貪利也財與裁同田

野什一

什稅一也

關市幾而不征

幾呵察也但呵察姦人而不征稅也禮記幾作譏

山林澤梁以時禁發而不稅

石絕水為梁所以取魚也非時則禁及時則發禮記

曰獺祭魚然後漁人入澤梁
草木零落然後入山林也

相地而哀政

相視也哀差也政為之輕

重政或讀為征哀初危反

理道之遠近而致貢

理條理也貢任土所貢也謂若百里賦納

總二百里納經之類也

通流財物粟米無有滯留

貨運有無化居不使有滯積也

使相歸移也四海之內若一家

歸讀為饋移轉也言通商及轉輸相救無不豐

足雖四海之廣若一家也

故近者不隱其能遠者不疾其勞

不隱其能謂竭

其財力也不疾苦其勞謂奔走來王也

無幽間隱僻之國莫不趨使而安

樂之

幽深也間隔也言無有深隔之國不為王者趨使而安樂政教也

夫是之謂人師

是王者之法也

師長也言為政如此乃可以長久也師者亦使人法效之者也

北海則

有走馬吠犬焉然而中國得而畜使之

海謂荒晦絕遠之地不必至海

水也走馬吠犬今北之大大也

南海則有羽翮齒革曾青丹干焉然而

中國得而財之

翮大鳥羽齒象齒革犀兕之革曾青銅之精可增畫及化黃金者出蜀山越崖

丹干丹砂也蓋一名丹干干讀為研胡旦反或曰丹丹砂也干當為玕尚書禹貢雍州球琳琅玕孔云石而似王者爾雅云西西北方之美者有球琳琅玕為皆出西方北云南海南方亦有也東海則有紫紬

魚鹽焉然而中國得而衣食之

紫紫貝也紬未詳書亦無紬字當為蚶郭璞江

賦曰石蚶應節而揚葩注云石蚶龜形春則生花蓋亦蚌蛤之屬今案本草謂之石決明陶云俗傳是紫貝附石生大者如手明耀五色內亦含珠古以龜貝為貨故曰衣食之蚶居怯反

西海則有皮革

文旄焉然而中國得而用之

高貢梁州貢熊羆狐狸皮
皮孔云貢四獸之皮織皮

今之蜀也旄旄牛尾文
旄謂染之為文彩者也

故澤人足乎木山人足乎魚農

夫不斲削不陶冶而足械用工賈不耕田而足菽粟故

虎豹為猛矣然君子剝而用之故天之所覆地之所載

莫不盡其美致其用

物皆盡其美而
束為人用也

上以飾賢良下以

養百姓而安樂之

飾謂車服
養謂衣食

夫是之謂大神

能變通裁
制萬物故

曰大神也

詩曰天作高山大王荒之彼作美文王康之此之

謂也

詩周頌天作之篇荒大也康安也言天作此高山
使興雲雨大王自幽運焉則能尊大之彼大王作

此都夫王又能安之

以類行雜

得其統類則不患於雜也

以一行萬

行於一人則萬人可

治也皆謂得其樞要

始則終終則始若環之無端也舍是天下以

衰矣

始謂類與一也終謂雜與萬也言以此道為治終始不窮無休息則天下得其次序舍此則亂也衰

初危反

天地者生之始也禮義者治之始也君子者禮義

之始也

始猶本也言禮義本於君子也

為之貫之積重之致好之者君

子之始也

言禮義以君子為本君子以習學為本貫言也積重之謂學使委積重多也致極也好之

言不倦也

故天地生君子君子理天地君子者天地之參也

萬物之摠也民之父母也

參謂與之相參共成化育也摠領也要也

無君子

則天地不理禮義無統上無君師下無父子夫是之謂

至亂君臣父子兄弟夫婦始則終終則始與天地同理

與萬世同久夫是之謂大本

始則終終則始謂一世始言上下尊卑人之大本有

君子然後可

故喪祭朝聘師旅一也

此已下明君子禮義之始為之制喪

以長久也

祭朝聘之禮所以齊一民各當其道不使淫放也下一之義皆同

貴賤殺生與奪一也

使民一於沮勸

君君臣臣父父子子兄弟第一也

使民一於恩義農

農士士工工商商一也

使人一於職業

水火有氣而無生草木

有生而無知

生謂滋長知謂性識

禽獸有知而無義人有氣有生

有知亦且有義故最為天下貴也

亦且者言其中亦有無義者也

力不

若牛走不若馬而牛馬為用何也曰人能羣彼不能羣

也人何以能羣曰分

無分則爭爭則不能羣也

分何以能行曰以義

故義以分則和

言分義相須也義謂裁斷也

和則一一則多力多力

則彊彊則勝物故宮室可得而居也

物不能害所以安居

故序四

時裁萬物兼利天下無他故焉得之分義也

以有分義故能治天

下故人生不能無羣羣而無分則爭爭則亂亂則離離

則弱弱則不能勝物故宮室不可得而居也不可少頃

舍禮義之謂也能以事親謂之孝能以事兄謂之悌能

以事上謂之順能以使下謂之君

能以事謂能
以禮義也

君者善

羣也

善能使人
為羣也

羣道當則萬物皆得其宜六畜皆得其

長羣生皆得其命

安其
性命

故養長時則六畜育殺生時則

草木殖

殺生
新伐

政命時則百姓一賢良服聖王之制也

謂時

有常服謂為
之任使也

草木榮華滋碩之時則斧斤不入山林不

天其生不絕其長也鼃鼃魚鼃鰭鱣孕別之時

別謂生
育與母

分別也國語里革諫魯公曰魚方
別孕韋昭曰自別於雄而懷子也

罔罟毒藥不入澤不

天其生不絕其長也

毒藥毒魚之藥周禮
雍氏禁澤之酖者

春耕夏耘秋

收冬藏四者不失時故五穀不絕而百姓有餘食也汙

池淵沼川澤謹其時禁

汙停水之處謹嚴也

故魚鼈優多而百姓

有餘用也

用謂食足之外
可用貿易也

斬伐養長不失其時故山林

不童而百姓有餘材也

山無草木曰童

聖王之用也

用財用也

上察

於天下錯於地

順天時以養地
財也錯干故反

塞備天地之間加施萬

物之上

言聖王之用使天
地萬物皆得其所

微而明短而長狹而廣

言用禮義

故所守者近
所及者遠也

神明博大以至約

言用禮義治化雖神明
博大原其本至簡約也

故曰一與一是為人者謂之聖人

一與一動皆一也是此也以此為人者則

謂之聖人也

序官

謂王者序官之法也

宰爵知賓客祭祀饗食犧牡牢

之數

宰膳宰爵主掌也饗食饗宴也周禮膳夫之屬有庖人獸人皆掌犧牲一曰爵官爵也言膳宰之官

爵掌犧牲之事者也

司徒知百宗城郭立器之數

百宗百族也城郭謂其小大也

立器所立之器用也周禮大司徒之職掌建邦土地之圖一與民之數立器言五方器械異制皆知其數不使

作奇伎

司馬知師旅甲兵乘白之數

周禮二千五百人為師五百人為旅

之器也

四井為邑四邑為丘四丘為甸亦謂之乘以其治田則謂之甸出長轂一乘則謂之乘每一乘入有甲士三人步卒七十二人自謂甸徒猶今之

白丁也或曰白當為百百人也

脩憲命

脩憲法之命所以表示人

也謂若以樂德教國子中和祇庸孝友之類也

審詩商

詩商當為誅賞字體及聲之誤故樂論篇曰其

在序官也脩憲命審誅賞其徒屬之功過者或曰詩謂四方之歌誼商謂商聲哀思之音如審戚之悲歌也

禁淫聲

周禮大司樂禁其淫聲慢聲鄭云淫聲鄭衛之音也

以時順脩

謂不失其時而順之

脩使夷俗邪音不敢亂雅大師之事也

夷俗謂墜夷之樂雅正聲也大

師樂官之長大讀為太

脩堤梁

堤所以防水梁橋也

通溝澮

溝澮皆所以通水周禮十夫之

田有溝溝上有畛十夫有澮澮上有道鄭云溝廣深各四尺澮廣二尋深二仞也

行水潦

行也

下孟反

安水藏

使水歸其壑安謂不使渴泄歲才浪反

以時決塞

旱則決之水則塞之

不使失其時也

歲雖凶敗水旱使民有所耘父司空之事也

父

為相高下視肥瘠序五種

高下原隰也五種黍稷豆麻冬觀其地所宜而種之境苦

交反省農功

省觀也觀其勤惰而勸之謹畜藏

謹以時順脩使農夫樸

力而寡能治田之事也

使農夫敦樸於力穡禁其他能也治田田畷也

脩火憲

不使非時焚山澤月令二月無焚山林鄭注周禮憲表也主表其刑禁也

養山林藪澤草木

魚鼈百索

百索上所索百物也

以時禁發

禁謂為之厲禁發謂許民採取

使國家

足用而財物不屈虞師之事也

屈竭也虞師周禮山虞澤虞也

順州里

使之和順

定廛宅

廛謂市內百姓之居宅謂邑內居也定其分界不使相侵奪也

養六畜

勸人

養之也

間樹藝

樹藝種樹及桑柘也間之使疏密得宜也

勸教化趨孝悌

勸之使從

教化趨之使敦孝悌趨讀為促

以時順脩使百姓順命安樂處鄉鄉師

之事也

鄉師公卿也周禮鄉老二鄉公一人鄉大夫每鄉卿一人

論百工

論其巧拙月令曰物

勒工名以考其成功苟有不當必行其罪也

審時事

考工記曰天有時地有氣材有美工有巧合此

四者然後可以為良月令曰監工日號毋悖於時皆審其時之事也

辨功苦

功謂器之精好者苦謂濫

忍者韋昭曰功堅苦脆也

尚完利

完堅也利謂便於用若車之利轉之類也

便備用使雕

琢文采不敢專造於家工師之事也

專造私造也

相陰陽

相視

也陰陽謂數也

占禋兆

占占候也侵陰陽相侵之氣赤黑之禋是其類也北謂龜兆或曰兆萌兆謂望

其雲物知歲之吉凶也

鑽龜陳卦

鑽龜謂以火焚荆蕪灼之也陳卦謂揲着布卦也

主禳

擇五卜

禳擇禳除不祥擇取吉事也五卜洪範所謂曰雨曰霽曰蒙曰驛曰覯言此之形也知其

吉凶妖祥僂巫跛擊之事也

擊讀為覯男巫也古者以廢廢之人主卜筮巫祝之

事故曰僂巫跛

脩採清

脩其採清之事採謂採去其穢清謂使之清潔皆謂除道路穢

覯胡歷反

惡也周禮蜡氏掌除飢凡國之大祭祀令州里除不蠲也

易道路

脩而

謹盜賊

謹嚴禁也

周禮野廬氏曰職有相翔者誅之

平室律

平均布也室逆旅之室平其室之法皆不使容姦人若今

五家為保也

以時順脩使賓旅安而貨財通治市之事也

此皆

周禮野廬氏之職今云治市蓋七國時設官不同治市之官兼掌道路不必全依周禮制據當時職事言之

抃急禁悍

抃當為折急當為愿已解上也

防淫除邪戮之以五刑使暴

悍以變姦邪不作司寇之事也本政教正法則兼聽而

時稽之

稽計也考也周禮太宰歲終則令百官府各正其治受其會而詔王廢置三歲則大計也度

其功勞論其慶賞以時慎脩使百吏免盡而衆庶不偷
冢宰之事也論禮樂正身行廣教化美風俗兼覆而調
一之辟公之事也全道德致隆高纂文理一天下振毫
末使天下莫不順比從服天王之事也故政事亂則冢
宰之罪也國家失俗則辟公之過也天下不一諸侯俗
反則天王非其人也具具而王具具而霸具具而存具

具而亡用萬乘之國者威彊之所以立也名聲之所以
美也敵人之所以屈也國之所以安危臧否也制與在
此亡乎人王霸安存危殆滅亡制與在我亡乎人夫威
彊未足以殆鄰敵也名聲未足以懸天下也則是國未
能獨立也豈渠得免夫累乎天下脅於暴國而黨為吾
所不欲於是者日與桀同事同行無害為堯是非功名
之所就也非存亡安危之所墮也功名之所就存亡安
危之所墮必將於愉殷赤心之所誠以其國為王者之

所亦王以其國為危殆滅亡之所亦危殆滅亡殷之日
案以中立無有所偏而為縱橫之事偃然案兵無動以
觀夫秦國之相卒也案平政教審節奏砥礪百姓為是
之日而兵剽天下勁矣案脩仁義伉隆高正法則選賢
良養百姓為是之日而名聲剽天下之美矣權者重之
兵者勁之名聲者美之夫堯舜者一天下也不能加毫
末於是矣權謀傾覆之人退則賢良知聖之士案自進
矣刑政平百姓和國俗節則兵勁城固敵國案自屈矣

務本事積財物而勿忘棲遲薛越也是使羣臣百姓皆以制度行則財物積國家案自富矣三者體此而天下服暴國之君案自不能用其兵矣何則彼無與至也彼其所與至者必其民也其民之親我歡若父母好我芳若芝蘭反顧其上則若灼黥若仇讎彼人之情性也雖桀跖豈有肯為其所惡賊其所好者哉彼以奪矣故古之人有以一國取天下者非往行之也脩政其所莫不願如是而可以誅暴禁悍矣故周公南征而北國怨曰

何獨不來也東征而西國怨曰何獨後我也

重意書仲
虺之語初

征自葛東征而夷怨南
征北狄怨曰奚獨後予

就能有與是鬪者與安以其國

為是者王殷之日安以靜兵息民慈愛百姓辟田野實
倉廩便備用安謹募選閱材伎之士然後漸賞慶以先
之嚴刑罰以防之擇士之知事者使相率贊也是以厭
然畜積脩飾而物用之足也兵革器械者彼將日日暴
露毀折之中原我今將修飾之拊循之掩蓋之於府庫
貨財粟米者彼將日日棲遲薛越之中野我今將畜積

并聚之於倉廩材伎股肱健勇爪牙之士彼將日日挫
頓竭之於仇敵我今將來致之并閱之砥礪之於朝廷
如是則彼日積弊我日積完彼日積貧我日積富彼日
積勞我日積佚君臣上下之間者彼將厲厲焉日日相
離疾也我今將頓頓焉日日相親愛也以是待其弊安
以其國為是者霸立身則從傭俗事行則遵傭故進退
貴賤則舉傭士之所以接下之人百姓者則庸寬惠如
是者則安存立身則輕樛事行則蠲疑進退貴賤則舉

佞悅之所以接下之人百姓者則好取侵奪如是者危
殆立身則僞暴事行則傾覆進退貴賤則舉幽險詐故
人之所以接下之人百姓者則好用其死力矣而慢其
功勞好用其藉歛矣而忘其本務如是者滅亡此五等
者不可不善擇也王霸安存危殆滅亡之具也善擇者
制人不善擇者人制之善擇之者王不善擇之者亡夫
王者之與亡者制人之與人制之也是其為相懸也亦
遠矣

荀子卷五

荀子卷六

唐 楊倞 註

富國篇第十

萬物同宇而異體

同生字內形體有異

無宜而有用

雖於人無常定之宜皆有

可用人之理必在理得其道使之不爭然後可以富國也

為人數也人倫並處同求

而異道同欲而異知

倫類也並處羣居也其在人之法數則以類羣居也同求異道謂或

求為善或求為惡此人之性也

生也皆有可也知愚同所可異也知愚

分

可者違其意之謂也

勢同而知異行私而無禍縱欲而不窮則

民心奮而不可說也

禍患也窮極也奮謂起而爭競也說讀為悅若縱情性而無分則民

心奮起爭競而不可悅服也

如是則知者未得治也知者未得治則

功名未成也

功名之立由於任智

功名未成則羣衆未懸也

有功名者

居上無功名者居下然後羣衆懸隔若未有功名則羣衆齊等

羣衆未懸則君臣未立

也既無懸隔則未有君臣之位也

無君以制臣無上以制下天下害生

縱欲

無上下相制則天下之害生於各縱其欲也

欲惡同物欲多而物寡寡

則必爭矣

同物謂飲食男女人之大欲存焉死亡貧苦人之大惡存焉是賢愚同有此情也無君上

之制各恣其欲則物不能贍故必爭之也故百技所成所以養一人也技功也一

人君上也言百工所成之衆物所以養一人是物多而所奉者寡故能治也而能不能兼技

雖能者亦不兼其技功使有分也謂梓匠輪輿各安其業則治雜之則亂人不能兼官皆使專一

於分不二事也謂若夔典樂稷播種之類離居不相待則窮羣而無分則爭

不相待遺棄也窮謂為物所困也此言不羣則不可羣而無分亦不可也窮者患也爭者禍

也救患除禍則莫若明分使羣矣此已上皆明有分則能羣然後可以富國

也彊脅弱也知懼愚也民下違上少陵長不以德為政

德謂教化使如分義如是則老弱有失養之憂而壯者有分爭之

禍矣

老弱不能以自存故憂失養壯者以力相勝故有分爭也

事業所惡也功利所

好也職業無分

事業謂勞役之事人之所惡職業謂官職及四人之業也必使各供其職各從

所務若無分則莫不惡勞而好逸也

如是則人有樹事之患而有爭功之

禍矣

樹立也若無分則人人患於樹立己事而爭人之功以此為禍也

男女之合夫婦

之分

合配也分謂人各有偶也

婚姻聘內送逆無禮

婦之父為婚婿之父為姻言婚

姻者皆以二人之命也聘問名也內讀為納納幣也送致女逆親迎也

如是則人有失合

之憂而有爭色之禍矣

失合謂喪其配偶也

故知者為之分也

如知

字知者謂知治道者又讀為智皆通

足國之道

明富國之術也

節用裕民而善藏

其餘

裕謂優饒也善藏其餘謂雖有餘不耗損而善藏之

節用以禮裕民以政

以禮

謂用不過度以政謂取之有道也

彼裕民故多餘

人得優饒務於力作故多餘也

裕民則

民富民富則田肥以易

易謂耕墾平易

田肥以易則出實百倍

所出較實多也

上以法取焉而下以禮節用之

法取謂什一也以禮節用謂不

妄耗費也

餘若丘山不時焚燒無所藏之

以言多之極也

夫君子奚

患乎無餘

以墨子愛不足

故知節用裕民則必有仁義聖良之

名而且有富厚丘山之積矣

名實皆美

此無他故焉生於節

用裕民也不知節用裕民則民貧民貧則田瘠以穢

貧則

力不足耕
稱失時也

田瘠以穢則出實不半

不得其半

上雖好取侵奪

猶將寡獲也而或以無禮節用之則必有貪利糾譎之

名而且有空虛窮乏之實矣

糾察也譎發人罪也譎音矯

此無他故

焉不知節用裕民也康誥曰弘覆乎天若德裕乃身此

之謂也

弘覆如天又順於德是乃所以寬裕汝身言百姓與足君孰不足也

禮者貴賤有

等長幼有差貧富輕重皆有稱者也

稱尺證反

故天子袞褘

衣冕

袞古朱字褘字與袞同畫龍於衣謂之袞朱衣以朱為質也衣冕猶服冕也

諸侯玄纁

衣冕

謂上公也周禮公之服自袞冕而下如王之服也

大夫裋冕

衣裋衣而服冕謂祭服也

天子六服大裘為上其餘為裋裋之言卑也以事尊卑服之諸侯已下亦服焉鷩冕絺冕皆是也

士皮

弁服

皮弁謂以白鹿皮為冠象上古也素積為裳用十五升布為之積猶辟也辟處其腰中故謂之素積

也

德必稱位位必稱祿祿必稱用由士以上則必以禮

樂節之衆庶百姓則必以法數制之

君子用德小人用刑

量地而

立國

謂若王制天子之縣內九十三國也

計利而畜民

謂若周制計一鄉地利所出畜萬二

千五

度人力而授事

謂若一夫受田百畝

使民必勝事事必出利

利足以生民皆使衣食百用出入相揜

百用雖用養生送死之類出出

財也入入利也揜覆蓋也出入相揜謂量入為出使覆蓋不乏絕也

必時藏餘謂之稱數

足用有餘則以時藏之故自天子通於庶人事無大小此之謂有稱之術數也

多少由是推之故曰朝無幸位民無幸生此之謂也

上下

所為之事皆以稱數推之故無徵幸之徒無德而祿謂之幸位情游而食謂之幸生也輕田野之

稅平關市之征

平猶除也謂幾而不征也

省商賈之數

省減也謂使農夫衆也

罕興力役無奪農時如是則國富矣夫是之謂以政裕

民

此以政優饒民之術也

人之生不能無羣羣而無分則爭爭則

亂亂則窮矣

窮困

故無分者人之大害也有分者天下之

本利也

本當為大

而人君者所以管分之樞要也

樞戶樞也

故美

之者是美天下之本也

美謂美具有分

安之者是安天下之本

也貴之者是貴天下之本也古者先王分割而等異之

也

以分割制之以等差異之

故使或美或惡或厚或薄或佚或樂或

劬或勞

美謂褒寵惡謂刑戮厚薄貴賤也在位則佚樂百姓則劬勞也

非特以為淫泰

夸麗之聲將以明仁之文通仁之順也

仁謂人也言為此上事不唯使

人瞻望自為夸大之聲將以明仁人乃得此文飾言至貴也通仁人乃得此順從言不違其志也

故為

之彫琢刻鏤黼黻文章

玉謂之彫亦謂之琢木謂之刻金謂之鏤白與黑謂之黼黑與

青謂之黻青與赤謂之文赤與白謂之章

使足以辨貴賤而已不求其觀

不求

使人觀望也古亂反為之鐘鼓管磬琴瑟竽笙使足以辨吉凶合

歡定和而已不求其餘和謂和氣餘謂過度而作鄭衛者也為之宮室臺

榭使足以避燥濕養德辨輕重而已不求其外德謂君上之德

輕重尊卑也外謂峻宇彫牆之類也詩曰彫琢其章金玉其相亶亶我王

網紀四方此之謂也詩大雅板蕢之篇相質也亶亶勸勉之貌言彫琢為文章又以金玉

為質勉力為善所以紀綱四方也與詩義小異也若夫重色而衣之重味而食

之重財物而制之合天下而君之重多也直用反非特所以為

淫泰也固以為王天下治萬變材萬物材與義同養萬民兼

制天下者為莫若仁人之善也夫故其知慮足以治之

其仁厚足以安之其德音足以化之得之則治失之則

亂百姓誠賴其知也故相率而為之勞苦以務佚之以

養其知也

知讀為智

誠美其厚也故為之出死斷亡以覆救

之以養其厚

厚謂恩厚也出死謂出身致死斷猶判誠也言判其死亡也覆蓋蔽也斷丁亂反

美其德也故為之彫琢刻鏤黼黻文章以藩飾之以養

其德

有德者宜備藩衛文飾也

故仁人在上百姓貴之如帝

天帝也

親

之如父母為之出死斷亡而愉者

愉歡

無他故焉其所是

焉誠美其所得焉誠大其所利焉誠多

是謂可其意也言百姓所得者

多故親愛之也

詩曰我任我輦我車我牛我行既集蓋云歸哉

此之謂也

詩小雅黍苗之篇引此以明百姓不憚勤勞以奉上鄭云集猶成也蓋猶皆也轉餽之役

有負任者有輓輦者有將車者有牽傍牛者事既成召伯則皆告之云可以歸矣

故曰君子以

德小人以力

君子以德撫下故百姓以德撫下故

力者德之役也

力為德所使役

百姓之力待之而後功

百姓雖有力待君上所使然後有功也

百姓之羣

待之而後和百姓之財待之而後聚百姓之勢待之而

後安百姓之壽待之而後長

皆明待君上之德化然後無爭奪相殺

父子

不得不親兄弟不得不順男女不得不歡少者以長老

者以養故曰天地生之聖人成之此之謂也

古者有此語引此以

明之今之世而不然厚刀布之歛以奪之財重田野之

稅以奪之食苛閭市之征以難其事

苛暴也征亦稅也苛閭市之征出入

賣買皆有稅也貨不得通流故曰難其事也

不然而已矣

不唯如此而已

有拊挈伺

詐權謀傾覆以相顛倒以靡弊之

有詐為又持挾其事弊舉其過伺候其罪

詐偽其辭顛倒反覆也靡盡也弊敗也或曰靡讀為靡靡散也笑書也

百姓曉然皆知其

汙漫暴亂而將大危亡也

汙漫言穢行也漫其半反

是以臣或弑其

君下或殺其上弼其城倍其節而不死其事者無他故

焉人主自取之

弼其城謂以城降人以為己利節忠節也此皆由上無恩德殺下亦傾覆也

詩曰無言不讐無德不報此之謂也

詩大雅抑之篇

兼足天下

之道在明分掩地表畝

掩地謂耕田使地相掩表明也謂明其經界使有畔也

刺

少殖穀

刺絕也少古草字也

多糞肥田是農夫衆庶之事也守時

力民

守時嚴授人時力民使之疾力

進事長功

進其事業長其功利

和齊百姓使

民不偷是將率之事也

將率猶主領也若今宰守

高者不旱下者不

水寒暑和節而五穀以時熟是天下之事也

是天下豈穰之事非

由人力也

若夫兼而覆之兼而愛之兼而制之歲雖凶敗水

旱使百姓無凍餒之患則是聖君賢相之事也墨子之

言昭昭然為天下憂不足夫不足非天下之公患也

非公

其之患也

特墨子之私憂過計也今是土之生五穀也人善

治之則畝數盈一歲而再獲之

蓋當時以盈為量考工記曰盈實二鬴墨子曰

子墨子弟子仕於衛而反子曰何故反曰與我言而不當曰待汝以千鬴授我五百鬴是去之復讀為獲

然

後瓜桃棗李一本數以盈鼓

一本一核也鼓量也禮記曰服木者操量鼓數以盈

鼓謂數度以盈量也言然後謂除五穀之外更有此果實

然後葷菜百踈以澤量

葷菜

某也疎與疏同以澤量言滿澤也
諸谷量牛馬然後義與上同也

然後六畜禽獸一切

而刺車

刺與專同言一獸渴一車也

鼃鼃魚鼃鰕鱸以時別一而成

羣

別謂生育與母分別也一時別謂不及其生使得成遂也一而成羣言每一類皆得成羣也

然後

飛鳥鳬鴈若烟海

遠望如烟之覆海皆言多也

然後昆蟲萬物生其

間

昆蟲蟻螻蛄之屬也除大物之外其間又有昆蟲萬物鄭云昆明也得陽而出得陰而藏之蟲也

可

以相食養者不可勝數也夫天地之生萬物也固有餘

足以食人矣麻葛繭絲鳥獸之羽毛齒革也固有餘足

以衣人矣

衣去聲

夫有餘不足非天下之公患也特墨子

之私愛過計也天下之公患亂傷之也胡不嘗試相與

求亂之者誰也我以墨子之非樂也則使天下亂墨子

之節用也則使天下貧非將襲之也說不免焉

非將襲毀墨子

論說不免如此

墨子大有天下小有一國

天子諸侯

將感然衣麤食

惡憂戚而非樂

墨子言樂無益於人故作非樂篇無樂則人情憂戚故曰憂戚而非樂也

若

是則瘠瘠則不足欲不足欲則賞不行

瘠奉養薄也奉養既薄則不能

足其欲欲既不足則賞何能行乎言皆由不顧賞也夫賞以富厚故人勸勉有功勞者而與之盛衣惡食是常道廢也莊子說墨子曰其生也勤其死也薄其道大觝郭云觝無潤也義與瘠同觝若角反

墨子大

有天下小有一國將少人徒省官職

省所景反

上功勞苦與

百姓均事業齊功勞

謂君臣並耕而食喪食而治

若是則不威不威

則賞罰不行

上下懸隔故得以法臨馭若君臣齊等則威不立矣

賞不行則賢者

不可得而進也罰不行則不肖者不可得而退也

賞罰所以

進賢而退不肖

賢者不可得而進也不肖者不可得而退也則

能不能不可得而官也

不可置於列位而廢置也

若是則萬物失宜

事變失應上失天時下失地利中失人和

賞罰不行賢愚一貫故有

斯天下敖然若燒若焦

敖讀為熬若燒若焦言萬物寡少如被燒焚然

墨子雖

為之衣褐帶索嚙菽飲水惡能足之乎

贊與歟同
惡與烏同

既以

伐其本竭其原而焦天下矣故先王聖人為之不然知

為人主上者不美不飾之不足以一民也不富不厚之

不足以管下也

管猶
包也

不威不彊之不足以禁暴勝悍也

故必將撞大鐘擊鳴鼓吹笙竽彈琴瑟以塞其耳必將

錙琢刻鏤黼黻文章以塞其目

錙與
彫同

必將芻豢稻粱五

味芬芳以塞其口

塞猶
充也

然後衆人徒備官職漸慶賞

漸

嚴刑罰以戒其心使天下生民之屬皆知己之所願欲

之舉在于是也故其賞行

舉皆也于是猶言是于言生民所願欲皆在是于也說苑

亦作是

于也

皆知已之所畏恐之舉在于是也故其罰威

其

可畏賞行罰威則賢者可得而進也不肖者可得而退也

能不能可得而官也若是則萬物得宜事變得應上得

天時下得地利中得人和則財貨渾渾如泉源

渾渾水
流貌如

泉源言不絕也渾戶本反

汭汭如河海

汭讀為滂水多貌也

暴暴如丘山

暴暴
卒起

之貌言物多委積
高大如丘山也

不時焚燒無所藏之夫天下何患乎

不足也故儒術誠行則天下大而富使有功

大讀為秦
優秦也使

謂為上之使可使則有功者也
撞鐘擊鼓而和詩曰鐘鼓喤喤磬筦將

將降福穰穰降福簡簡威儀反反既醉既飽福祿來反

此之謂也

詩周頌執競之篇毛云喤喤將皆聲和貌穰穰衆也簡簡大也鄭云反反順習之貌反

後也故墨術誠行則天下尚儉而彌貧非闕而日爭

墨子有非

政篇非政則非闕也既上失天時下失地利則物出必寡雖尚儉而民彌貧物不能賄雖以闕為非而日日爭

競也勞苦頓萃而愈無功愀然憂戚非樂而日不和

說文云頓

下首也萃與頓同上下不能相制雖勞苦頓萃猶同無益也鄭注禮記云愀然憂動貌

詩曰天方

薦瘥喪亂弘多民言無嘉惛惛之謂也

詩小雅節南山

之篇爲重也。後病也。惜曾也。

懲止也。嗟奈何。爲或作若。

重事養民

垂下也。以上所操持之事。下就

於民而養之。

拊循之。呪嘔之。

拊與撫同。拊循慰悅也。呪嬰兒語聲也。呪於佳反。

謂於小惠。

詎與冬。日則爲之饘粥。夏日則與之瓜麯。

麯麯。麯麯。飯也。丘舉反。

偷取少頃之譽焉。是偷道也。可以少頃得姦民之譽。然

而非長久之道也。事必不就。功必不立。是姦治者也。

姦人

爲治偷

僧然要時務民

僧然盡人力貌。說文云。僧終也。要時趨時也。務勉強也。謂以勞

取其譽

役強民也。僧子

進事長功

益上之功利也。

輕非譽而恬失民

恬安

牢反。要一饒反。

也。言不顧下之踐譽

事進矣。而百姓疾之。

事雖長進。而百姓怨。

是

而安然忘於失民也。

又不可偷偏者也

言亦不可苟且偏為此勞苦民之事也

徒壞墮落必反

無功

雖苟求功利旋即毀壞墮落必反無成功也

故垂事養譽不可以遂功

而忘民亦不可皆姦道也

用

故古人為之不然使民夏

不宛暘

使民謂役使民也宛讀曰蘊暑氣也詩曰蘊隆蟲蟲暘傷暑也或曰宛當為與篆文宛字與與

字略相似遂誤耳與與六反熱也

冬不凍寒急不傷力緩不後時

皆謂量民

之力不使有所傷害

事成功立上下俱富而百姓皆愛其上人歸

之如流水親之歡如父母為之出死斷亡而愉者無他

故焉忠信調和均辨之至也

均平均辨明察

故君國長民者欲

趨時遂功則和調累解速乎急疾忠信均辨說乎賞慶

矣必先脩正其在我者然後徐責其在人者威乎刑罰

自故君國長民以下具義未詳亦恐脫誤或曰累解嬰

累解釋也言君長人欲趨時遂功者若和調而使嬰累

解釋則民速乎急疾言致上之急不後時也若忠信均

辨則民悅乎慶賞若先責己後責人則民畏乎刑罰累

音類解佳買三德者誠乎上則下應之如影嚮三德謂

功說讀為悅三德者誠乎上則下應之如影嚮調和解

累忠信均辨正己而後責人也誠乎上謂上誠意雖欲

行之也嚮讀為響或曰三德即忠信調和均辨也雖欲

無明達得乎哉書曰乃大明服惟民其勅懋和若有疾

此之謂也書康誥懋勉也言君大明以服下則勉故不

力為調和而疾速以明致上之急也

教而誅則刑繁而邪不勝教而不誅則姦民不懲誅而

不賞則勤屬之民不勸

屬謂著於事業之欲反或讀為屬

誅賞而不類

則下疑俗儉而百姓不一

不類不以其類謂賞不當功罰不當罪儉當為險險謂微

幸免罪苟且求賞也

故先王明禮義以一之致忠信以愛之尚賢

使能以次之爵服慶賞以申重之

申亦重也再令曰申

時其事輕

其任以調齊之

時其事謂使人趨時不奪之也輕其任謂量力而使也

潢然兼覆

之養長之如保赤子

潢與混同潢然水大至之貌也

若是故姦邪不作

盜賊不起而化善者勸勉矣

化善化而為善者也

是何邪則其道

易

平易可行

其塞固其政令一

其所充塞民心者固

其防表明

限防標表明白

易識

故曰上一則下一矣上二則下二矣辟之若少木枝

葉必類本此之謂也

辟讀為譬
少古草字

不利而利之不如利而

後利之之利也不愛而用之不如愛而後用之之功也

利而後利之不如利而不利者之利也愛而後用之不

如愛而不用者之功也利而不利也愛而不用也者取

天下矣利而後利之愛而後用之者保社稷也不利而

利之不愛而用之者危國家也觀國之治亂臧否至於

疆易而端已見矣

易與場同端首也見賢遍反

其候徼支繇

候斥候徼巡也

支繇支分繇統言委曲巡警也

其竟關之政盡察

竟與境同盡察極察言無不察也

是

亂國已

亂國多盜賊姦人故用苛察之政也

入其境其田疇穢都邑路是

貪主已

路謂無城郭墻垣主貪財民貧力不足故路也

觀其朝廷則其貴者不

賢觀其官職則其治者不能觀其便嬖則其信者不慤

是閭主已

便嬖左右小臣寵幸者也信者不慤所親信者不慤也主閭故姦人多容也

凡主

相臣下百吏之俗其於貨財取與計數也須熟盡察

俗謂

風俗取謂賦歛與謂賜與計數計筭也須待也熟精熟也盡察極察也其於計數貨財必待精熟極察然後行

言不簡易急於貪利者也

其禮義節奏也芒朝優楷是辱國已

禮義節奏

謂行禮義之節文芒昧也或讀為荒言不習熟也朝亦也亦怠惰之義優與優同楷不堅固也辱國言必見凌

辱也其耕者樂田其戰士安難其百吏好法其朝廷隆禮

其卿相調議是治國已

安難不逃難也

觀其朝廷則其貴者賢

觀其官職則其治者能觀其便嬖則其信者慤是明主已凡主相臣下百吏之俗其於貨財取與計數也寬饒

簡易

不汲汲於貨財也

其於禮義節奏也陵謹盡察是榮國已

陵侵陵言深於禮義也謹嚴也言不致慢易也

賢齊則其親者先貴能齊則其

故者先官

雖舉在至公而必先親故所謂故舊不遺則民不偷

其臣下百吏汙者

皆化而脩悍者皆化而愿躁者皆化而慈是明主之功

已

躁暴急之人也

觀國之彊弱貧富有徵驗

徵驗言其驗先見也

上不隆

禮則兵弱上不愛民則兵弱已諾不信則兵弱慶賞不

漸則兵弱

漸進

將率不能則兵弱

率與帥同

上好攻取功則國

貧

民不得安業也

上好利則國貧

賦歛重也

士大夫衆則國貧

所謂三百

赤

工商衆則國貧

農桑者少也

無制數度量則國貧

不為限量則物

耗

下貧則上貧下富則上富

百姓足君孰與不足

故田野縣鄙者

財之本也垣窳倉廩者財之末也

垣築牆四周以藏穀也窳害也掘地藏穀

也穀藏曰倉米藏曰廩窳匹穀反

百姓時和事業得叙者貨之源也等

賦府庫者貨之流也

時和得天之和氣謂歲豐也事業得叙耕稼得其次序上不奪農時

也等賦以差等制賦貨財皆錢穀通名別而言之則粟米布帛曰財錢布龜貝曰貨也

故明主必

謹養其和節其流開其源而時斟酌焉

節謂薄歛開謂勸課時斟酌謂

賦歛賑卹也荒有制也

潢然使天下必有餘而上不憂不足如是

則上下俱富交無所藏之是知國計之極也

交無所藏言上下不

相隱故禹十年水湯七年旱而天下無菜色者十年之後

年穀復熟而陳積有餘

無食菜之色也

是無他故焉知本末源

流之謂也故田野荒而倉廩實百姓虛而府庫滿夫是

之謂國蹙

蹙傾倒也

伐其本竭其源而并之其末然而主相

不知惡也則其傾覆滅亡可立而待也以國持之而不

足以容其身夫是之謂至貪是愚主之極也

以一同扶持之至堅

固也而無所容其身者貪也

將以求富而喪其國將以求利而危其

身古有萬國今有十數焉是無他故焉其所以失之一

也

皆以貪失之也

君人者亦可以覺矣

以此自覺悟也

百里之國足以

獨立矣

此言無道則雖大必至滅亡
有道則雖小足以獨立也

凡攻人者非以為

名則案以為利也不然則忿之也

凡攻伐者不求討亂
征暴之名則求貨財

土地之利不然則以忿怒
不出此三事也為子偽反

仁人之用國將脩志意正身

行用為也行
下孟反

伉隆高

伉舉也舉崇
高遠大之事

致忠信期文理

期當
為恭

極文理謂其
有條貫也

布衣紉屨之士誠是則雖在窮閭漏屋而

王公不能與之爭名

紉條也謂編麻為之粗繩之屨也
或讀為穿王公不能與之爭名過

王公以國載之則天下莫之能隱匿也

載猶任也以國
委任賢士則天

下莫能隱匿言
其國聲光大也

若是則為名者不攻也

伐有道祇成惡
名故不攻也

將辟田野實倉廩便備用上下一心三軍同力與之遠

舉極戰則不可

遠舉縣君於遠也極戰苦戰也彼暴國欲與我如此則不可也

境內之

聚也保固視可

其境內屯聚則保其險固視其可進謂觀勢而動也

午其軍取其

將若撥韃

午讀為迂過也周禮蓬人職云朝事之遷其實韃資鄭云韃斐麥今河間以北莢種麥賣

之名曰韃據鄭之說韃麥之牙莢也至脆弱故以喻之若撥韃如以手撥韃也韃與豐同

彼得之不

足以藥傷補敗

藥猶醫也彼縱有所得不足以藥其所傷補其所敗言所獲不如所亡也

彼

愛其爪牙畏其仇敵若是則為利者不攻也

愛己之爪牙畏與我

為仇敵為子偽反

將脩小大彊弱之義以持慎之

慎讀為順修小事大弱事

張之義守持此道以順大國

禮節將甚文珪璧將甚碩貨賂將甚厚

文謂敬事之威儀也珪璧所用聘好之物碩大也

所以說之者必將雅文辯慧

之君子也

所使行人往說之者則用文雅禮讓之士說音稅

彼苟有人意焉夫

誰能忿之若是則忿之者不攻也為名者否為利者否

為忿者否

否不攻也為于偽反

則國安于盤石壽於旗翼

盤石盤薄大石

也旗讀為箕箕翼二十八宿名言壽比於星也莊子曰傳說得之象東維時箕尾而比於列宿亦其類也或曰

禮記百年曰期頤鄭云期要也頤養也

人皆亂我獨治人皆危我獨安人

皆失喪之我獨按起而制之

或曰按然後也

故仁人之用國非

特將持其有而已也又將兼人

不唯持其所有而已

詩曰淑人君

子其儀不忒其儀不忒正是四國此之謂也

曹風鴈鳩之篇

持

國之難易

論守國難易之法也

事彊暴之國難使彊暴之國事我

易事之以貨寶則貨寶單而交不結約信盟誓則約定

而畔無日

約已定隨即畔之無日言不過一日文子作約定而反無日

割國之錙銖

以賂之則割定而欲無厭

十黍之重為銖八兩為錙此謂以地賂彊國割地必不多

與故以錙銖言之厥一占反韓詩外傳作割國之疆垂以賂之

事之彌煩其侵人愈甚

必至於資單國舉然後已

單盡也國舉謂盡舉其國與人也

雖左堯而

右舜未有能以此道得免焉者也辟之是猶使處女嬰

寶珠珮寶玉

嬰繫於頸也寶謂珠玉中可寶者也

負戴黃金而遇中山之

盜雖為之逢蒙視詘要撓脰君盧屋妾由將不足以免

之

逢蒙古之善射者詘與屈同要讀為腰撓曲也脰曲脚中古獲反盧當為廬由與猶同言處女如善射者

之視物謂微眇不敢正視也既微視又屈腰撓脰言俯伏畏懼之甚也君廬屋妾謂處女自稱是君廬屋之妾

猶言箕箒妾卑下之辭也雖畏懼卑辭如此猶不免劫奪也

故非有一人之道也

謂不

能齊一其人同直將巧繁拜請而畏事之

但巧為繁多拜請以畏事

也

則不足以持國安身故明君不道也

恥辱如此雖得免禍亦不足以

為持國安身之術
故明君不言也

必將修禮以齊朝正法以齊官平政

以齊民然後節奏齊於朝

齊整也節奏禮之節
丈也謂上下皆有禮

百事齊

於官

百事皆有法度

衆庶齊於下

上政均平
故民齊一

如是則近者競親

遠方致願

致極也極
願來附也

上下一心三軍同力名聲足以暴

炙之

名聲如日暴
火炙炎赫也

威彊足以捶笞之拱揖指麾而彊暴

之國莫不趨使譬之是猶烏獲與焦僂搏也

烏獲秦之
力人舉千

釣者焦僂短人長
三尺者搏臂也

故曰事彊暴之國難使彊暴之國事

我易此之謂也

荀子卷六

謹案卷四第一頁後二行成鮮據左傳當作成

鱗

第五頁前四行若夫謫德而定次刊本謫訛商今
改

第七頁前四行漢書所謂銀鐺者也刊本銀訛銀
今改

第十頁前一行恐人之行事不當理此已上皆論
大儒之德也刊本人之訛人皆皆論訛之論今

改

第十四頁後四行蓋環繞囚拘之貌刊本統訛統
今改

第十五頁前四行况在人矣乎刊本無乎字今增
第十九頁前四行師告而以遠古也按此句未詳
疑而以係不以之誤

卷五第八頁前五行論不易則人知沮勸也刊本
沮訛所据世德堂本改

第八頁後六行謂竭其財力也刊本財訛才据世

德堂本改

第九頁前五行此云南海刊本海訛方今改

第十頁前三行始謂類與一也刊本一訛士据世

德堂本改

第十三頁後二行使農夫樸力而寡能刊本樸訛


僕据注改

卷六第七頁前四行小注哥關市之征刊本市訛

中据正文改

第十五頁前八行百姓足君孰與不足刊本與字
誤置百姓下今改





總校官庶吉士臣侍朝

校對官編修臣沈清藻

謄錄監生臣楊金

欽定四庫全書薈要

子部
荀子卷
七至
十



荀子卷七

唐 楊倞 註

荀子篇第十一

國者天下之制利用也

天下用之利者無過於國制衍字耳

人主者天下

之利勢也

勢之最利者也

得道以持之則大安也大榮也積美

之源也不得道以持之則大危也大累也有之不如無

之

有國不如無國

有也及其暴也索為匹夫不可得也

暴謂窮極之時

齊湣宋獻是也

湣與閔同齊湣王為淖齒所殺宋獻宋君謚也為齊湣王所滅呂氏春秋云宋

康王此云獻國滅之後其臣子各私為謚故與此不同也故人主天下之利勢也然

而不能自安也安之者必將道也

必將以道守之

故用國者義

立而王信立而霸權謀立而亡三者明主之所謹擇也

所宜謹

慎擇之仁人之所務白也

白明

挈國以呼禮義而無以

害之

挈提舉也言挈提一國之人皆使呼召禮義言所務皆禮義也無以害之謂不以他事害禮義也

行一不義殺一無罪而得天下仁者不為也櫟然扶持

心國且若是其固也

櫟然落石貌其所持心持國不行不義不殺無罪落然如石之固也

之所與為之者之人則舉義士也

舉皆也所與為政之人則皆用義士謂若

伊呂之比者也

之所以為布陳於國家刑法者則舉義法也

謂若

周穆王訓夏贖刑之類也

主之所極然帥羣臣而首嚮之者則舉義

志也

志意也主所極信率羣臣歸嚮之者則皆義之志意謂不懷不義之意也或曰志記也舊典之有義

者謂若六經也

如是則下仰上以義矣是綦定也

綦當為基基本也言以義

為本仰魚亮反

綦定而國定國定而天下定仲尼無置錐之地

誠義乎志意加義乎身行

仲尼誠能義乎志意又加之義行言志意及立身立行

皆以義行下五以

著之言語

以義著言語謂所論說皆明義也

濟之日不隱乎

天下名垂乎後世

以義得濟之日成功之後也言仲尼行義既成之後不隱乎天下謂極昭

明天下莫能隱匿之

今亦以天下之顯諸侯誠義乎志意加義乎

法則度量著之以政事案申重之以貴賤殺生使襲然

終始猶一也

申亦重也既為政皆以義又申重以實罰使相掩襲無間隙終始如一也如是

則夫名聲之部發於天地之間也豈不如日月雷霆然

矣哉

部當為剖謂開發也仲尼匹夫但著空言猶得不隱乎天下今若以顯諸侯行義必如日月雷霆

故曰以國齊義一日而白湯武是也

齊當為濟以一國皆取濟於義一朝

而名聲明白湯武是也

湯以亳武以鄩皆百里之地

亳湯國都鄩與鉅同武王

所都京也詩曰考卜維王宅
是錫京維龜正之武王成之天下為一諸侯為臣通達

之屬莫不從服無它故焉以濟義矣是所謂義立而王

也非有他故但取濟於義也德雖未至也義雖未濟也霸者亦有德義但未能至

極盡然而天下之理略奏矣天下之理謂條理者略有節奏也刑賞已

諾信乎天下矣諾許也已不許也禮記曰與其有諾責寧有已怨信乎天下謂若齊桓不背柯

盟之臣下曉然皆知其可要也要約也皆知其可與要約不欺也要一堯反

政令已陳雖覩利敗不欺其民謂若伐原命三日之糧不降而退之比也約

結已定雖覩利敗不欺其與與相親與之國謂若齊桓許救魯衛不遂滅之為已

利之如是則兵勁城固敵國畏之國一暴明與國信之

比也暴亦當雖在僻陋之國威動天下五伯是也伯讀為霸又如字諸

為基也侯之長為伯春秋左非本政教也雖有政教未非致隆

傳策命晉侯為伯也盡修其本也非致隆

高也禹湯之極崇高也非暴文理也言其駁雜非服人

之心也未得天下歸心如文王此皆言未能鄉方略所

唯在方略不循於王道以略信之故猶能致霸也鄉方略向

在用仁義也審勞佚審以佚待謹畜積謹嚴畜積修戰

備鷸然上下相信而天下莫之敢當鷸齒相逆也鷸然

土角反故齊桓晉文楚莊吳閭閻越勾踐是皆僻陋之國

也威動天下彊殆中國

其彊能危中國

無他故焉略信也是所

謂信立而霸也

雖未能濟義畧取信而行之故能致霸也

挈國以呼功利此論

權謀者也提挈一國之人以呼召功利言所務唯功利也功役使利貪求之也

不務張其義齊

其信唯利之求

張開

內則不憚詐其民而求小利焉

謂若梁伯

好土功詐其民言寇將至之比也

外則不憚詐其與而求大利焉

謂若楚靈

王以義討陳蔡因遂滅之之比也

內不脩正其所以有然常欲人之有

有土地貨財也

如是則臣下百姓莫不以詐心待其上矣上詐

其下下詐其上則是上下析也

離

如是則敵國輕之

不得

人心故輕之也

與國疑之權謀日行而國不免危削暴之而亡

其極者則滅亡

齊閔薛公是也

薛公孟嘗君田文齊閔王之相也齊閔王為五國所伐皆薛公

使然故同言之也

故用彊齊非以修禮義也非以本政教也非

以一天下也綿綿常以結引馳外為務

綿綿不絕貌引讀為鞅鞅引軸

之物結引續縣於軸所以引車也齊閔薛公不修德政但使說客引軸馳騫於他國以權詐為務也

故彊

南足以破楚

史記齊閔王二十三年與秦敗楚重丘南割楚之淮北也

西足以誅秦

北足以敗燕

史記閔王三十六年與韓魏攻秦至函谷軍焉

中足以舉宋

閔王三十

八年伐宋宋王死於溫舉謂舉其國而滅之也

及以燕趙起而攻之若振槁然

閔王四十年燕秦楚三晉敗我於濟西振擊也槁枯葉也言當權謀強盛之時雖破敵滅國及樂毅以諸國攻

之若擊枯葉之易也

而身死國亡為天下大戮

為天下大戮辱也春秋傳曰古者明

王伐不敬取其鯨鯢而封之以為大戮也

後世言惡則必稽焉

後世稽考閔王為龜鏡也

是無他故焉唯其不由禮義而由權謀也三者明王之

所謹擇也仁人之所務白也善擇者制人不善擇者人

制之

善擇者用霸王不善擇者用權謀也

國者天下之大器也重任也不

可不善為擇所而後錯之錯險則危

所處也錯讀為措

不可不

善為擇道然後道之塗歲則塞

不可不善為擇道路而道達之歲與穢同塞謂

行不通也 危塞則亡

所以為之擇善

彼國錯者非封焉之謂也

非受之節

土然後為安或曰修封疆立城郭之謂也

何法之道誰子之與也

設問之詞既非封焉

之謂問以何法道達之求誰人付與之誰子猶誰人也慎子曰棄道術舍度量以求一人之識識天下誰子之

識能足焉故道王者之法與王者之人為之則亦王道霸者

之法與霸者之人為之則亦霸道亡國之法與亡國之

人為之則亦亡

答辭也道皆與導同

三者明主之所謹擇也而仁

人之所務白也

荀子多重教前語者叮嚀之也

故國者重任也不以積

持之則不立

不以積久之法持之則傾覆也

故國者世所以新者也是

憚憚非變也

憚與坦同言國者但繼世之主自新耳此積久之法坦坦然無變也巢子曰有陰而

遠者有坦明而功者杜伯射宣王於圖田是坦明而功者據古憚與坦通

改王改行也

自是改一

王則改其所行之事非法變也或曰國語襄王謂省文公曰先民有言曰改玉改行玉佩玉行步也

故一

朝之日也一日之人也然而厭焉有千歲之固何也

設問

之辭一朝之日謂今日之事明朝不同言易變也一日之人謂今日之生未保明日言壽促也厭讀為厭禮記曰見君子而後厭然揜其不善鄭注云閉藏貌言事之易變人之壽促如此此何故有厭然不藏千歲不變改之法
曰援夫千歲之信法以持之也安與夫千歲之信

士為之也

謂使百世不易可信之士為政

人無百歲之壽而有千歲之

信士何也

又問之

曰以大千歲之法自持者是乃千歲之

信士矣

以禮義自持者則是千歲之士不
以壽千歲也能自持則能持國

故與積禮義

之君子為之則王與端誠信全之士為之則霸與權謀

傾覆之人為之則亡三者明王之所謹擇也仁人之所

務白也善擇之者制人不善擇之者人制之彼持國者

必不可以獨也

君不可
獨治也

然則彊國榮辱在於取相矣身

能相能如是者王

謂若湯伊尹
文王太公也

身不能知恐懼而求能

者如是者彊

若燕昭
樂毅也

身不能不知恐懼而求能者安唯

便僻左右親比已者之用如是者危削

謂若楚襄王左州侯右夏侯之

比綦之而亡

宋獻之比

國者巨用之則大小用之則小

巨者大之

極也綦大而王綦小而亡小巨分流者存

小巨各半如水之分流也

巨

用之者先義而後利安不恤親疎不恤貴賤唯誠能之

求夫是之謂巨用之小用之者先利而後義安不恤是

非不治曲直唯便僻親比已者之用夫是之謂小用之

巨用之者若彼小用之者若此小巨分流者亦一若彼

也亦一若此也

或誠能之求或親比已者之用

故曰料而王駁而霸無

一馬而亡此之謂也

韓愈也若舜舉皋陶不仁者遠即巨用之蔡大而王者也駁難也若

發桓外任管仲內任豎刁則小巨分流者無一馬而亡無賢人若厲王專任皇甫氏即蔡小而亡者也國

無禮則不正禮之所以正國也譬之猶衡之於輕重也

猶繩墨之於曲直也猶規矩之於方圓也

禮能正國譬衡所以辨輕

重繩墨所以辨曲直故錯之而人莫能誣也

錯置也禮記曰衡誠

懸不可欺以輕重繩墨誠陳不可欺以方圓者也

詩云如霜雪之

將將如日月之光明

逸詩

為之則存不為之則亡此之謂

也為為禮也國危則無樂君國安則無憂民亂則國危治則

國安今君人者急逐樂而緩治國豈不過甚矣哉

是猶好聲色而恬無耳目也豈不哀哉

恬安也安然無耳目雖好聲色

將何哉夫人之情目欲綦色耳欲綦聲口欲綦味鼻欲綦

臭心欲綦佚

臭氣也凡氣香亦謂之臭禮記曰皆佩香臭綦極也綦或為其傳寫誤耳佚安樂之

也此五綦者人情之所必不免也養五綦者有具

具謂大

富厚治辨
強國之道

無具則五綦者不可得而致也萬乘之國可

謂廣大富厚矣加有治辨彊固之道焉

有讀為又
辨分別事

若是

則恬愉無患難矣然後養五綦之具具也故百樂者生

於治國者也憂患者生於亂國者也急逐樂而緩治國

者非知樂者也故明君者必將先治其國然後百樂得

其中

得於治國之中樂並音洛

聞君者必將荒逐樂而緩治國故憂

患不可勝校也

計校

必至於身死國亡然後止也豈不哀

哉將以為樂乃得憂焉將以為安乃得危焉將以為福

乃得死亡焉豈不哀哉於乎君人者亦可以察若言矣

於乎讀為嗚呼若言如此之言謂已上之說

故治國有道人主有職

在知其道守其

也職若夫貫日而治詳一日而曲列之

貫日積日也積日而使條治詳備一

日如委曲列之無差錯也

是以所使夫百吏官人為也，不足，以是傷

游玩安燕之樂

煩碎之事既使百吏官人為之，則不足以此害人君游燕之樂也

若夫

論一相以兼率之，使臣下百吏莫不宿道鄉方而務

謂

討論選擇之也，率領也，宿道止於道也，鄉方不是，夫人迷亂也，臣下皆以宿道鄉方為務，不敢姦詐也

是夫人

主之職也

論相人主之職，不在躬親小事

若是則一天下，名配堯禹人

主者守至約而詳事，至佚而功

事

垂衣裳，不下簞席之

上而海內之民莫不願得，以為帝王夫是之謂至約樂

莫大焉。人主者以官人為能者也，匹夫者以自能為能

者也人主得使人為之匹夫則無所移之百畝一守事

業窮無所移之也

百畝一夫之守事業耕稼也耕稼窮於此無所移於人若人主必窮治小

事則與匹夫何異之也

今以一人兼聽天下日有餘而治不足者

使人為之也

今以一人兼聽天下之大自稱日有餘言兼聽之日有餘也而治不足謂所治之事

少而不足言不足治也使人為之故得如此尹子曰堯南挽交趾北懷幽都東西至日之所出入有餘日而不足於治者恕也韓子曰夫為人主而身察百官則日不足力不給也故先王舍己能而因法數審賞罰故治不足而日有餘上之任勢大有天下小有一國
天子必自使然也日音而實反

為之然後可則勞苦耗悴莫甚焉

耗謂精神竭耗悴顛顛也

如是則

雖臧獲不肯與天子易勢業

臧獲奴婢也方言謂荆淮海岱之間罵奴曰臧罵婢

曰獲燕齊亡奴謂之臧亡婢謂之獲或曰取貨謂之臧擒得謂之獲皆謂有罪為奴婢者故周禮其奴婢男子入於罪隸女子入於春

索勢業權勢事業也 以是縣天下一四海何故必自

為之

以是一人之寡縣天下之重一四海之大何故必自為之言力不任之也

為之者役夫

之道也墨子之說也

墨子之說必自勞苦

論德使能而官施之者

聖王之道也儒之所謹守也

官施謂建百官施布職事

傳曰農分田

而耕費分貨而販百工分事而勸士大夫分職而聽

聽其

治建國諸侯之君分土而守三公總方而議

總領也議其所總統

之政自陝以東周公主之自陝以西召
公主之三公處於內是抱方而議也 則天子共已而已

矣

共讀為恭或讀為拱垂拱而已

出若入若天下莫不平均莫不治辯

若如此也出若入若謂內外皆如此也 是百王之所同
謂如論德使能官施之事或曰若順也

也而禮法之大分也

禮法大分在任人各使當其職分也

百里之地可以

取天下是不虛其難者在人主之知之也

所患人主不知小國

可以取天下取天下者非負其土地而從之之謂也

非謂它國

負荷其土地來而從我之謂也

道足以一人而已矣

其道足以齊一人故天下歸之也

彼其人苟一則其土地且奚去我而適他

彼國之人苟一於我則其

土地奚往哉

故百里之地其等位爵服足以容天下之賢士

矣

此論百里國取天下之道賢士有道德者也

其官職事業足以容天下之

能士矣

能士者材藝也

循其舊法擇其善者而明用之足以順

服好利之人矣

擇舊法之善者而明用之謂擇務本厚生之法而用之則民衣食足而好利之

民順服也

賢士一焉能士官焉好利之人服焉三者具而天

下盡無有是其外矣

具謂俱為用也

故百里之地足以竭勢矣

竭盡也有等位爵服官職事業是天下之勢盡於此矣

致忠信著仁義足以竭人

矣

致極也著明也言極忠信明仁義足以盡天下之人謂皆來歸矣

兩者合而天下取

諸侯後同者先危

兩者合謂能盡勢盡人也

詩曰自西自東自南自

北無思不服一人之謂也

其道足以齊一人故四方皆歸之

羿蓬門者

善服射者也

蓬門即蓬蒙學射於羿羿蓬蒙善射故射者服之蓬音達

王良造父者

善服馭者也

王良趙簡子之馭韓子曰字伯樂造父周穆王之馭皆善御者也馭與御同

聰

明君子者善服人者也人服而勢從之人不服而勢去

之故王者已於服人矣

王者之功盡此也

故人主欲得善射射

遠中微則莫若羿蓬門矣

射及遠中細微之物

欲得善馭及速致

遠則莫若王良造父矣欲調一天下制秦楚則莫若聰

明君子矣

荀卿在齊楚秦天下
強國故制之者也

其用知甚簡

用智慮
至少也

其

為事不勞而功名致大甚易處而綦可樂也故明君以

為寶而愚者以為難

明君以任賢為寶愚
者以任賢為難也

夫貴為天子

富有天下名為聖王兼制人人莫得而制也是人情之

所同欲也而王者兼而有是者也重色而衣之重味而

食之重財物而制之

重多也
直用反

合天下而君之飲食甚厚

聲樂甚大臺榭甚高

謝與
榭同

園囿甚廣臣使諸侯一天下

是又人情之所同欲也而天子之禮制如是者也

禮之
與制

如此其盛言盡人情之所欲也制度以陳政令以挾挾讀為決洽也官人失要

則死公侯失禮則幽

要政令之要約也禮記曰各揚其職百官廢職服大刑幽囚也春秋

傳曰晉侯執衛侯歸之于京師寘諸深室也

四方之國有侈離之德則必滅

侈奢侈離乖離皆謂不遵法度

名聲若日月功積如天地天下之人應

之如影響是又人情之所同欲也而王者兼而有是者

也故人之情口好味而臭味莫美焉耳好聲而聲樂莫

大焉目好色而文章致繁婦女莫衆焉形體好佚而安

重間靜莫愉焉

間隙也或讀為閑愉樂也

心好利而穀祿莫大焉合

天下之所同願兼而有之畢牢天下而制之若制子孫

畢牢未詳畢或作畢言盡牢籠天下也新序作牢牢戰國策燕太子丹謂荆軻曰秦有貪功之心非盡天下之地牢海內之王其意不厭或曰畢讀如以娣茶蓼之娣牢與漢書立娣軫羹同皆修理幹運之意也人苟

不狂惑驚陋者其誰能睹是而不樂也哉欲是之主並

肩而存能建是之士不世絕千歲而不合何也曰人主

不公人臣不忠也人主則外賢而偏舉人臣則爭職而

妬賢是其所以不合之故也外賢疎賢也偏舉人主胡

不廣焉無恤親疎無偏貴賤唯誠能之求廣焉問秦貌或讀為曠誠

能實能也若是則人臣輕職業讓賢而安隨其後如是則禹

舜還至王業還起還功一天下名配禹舜物由有可樂

如是其美焉者乎嗚呼君人者亦可以察若言矣

可以察如

此之言也楊朱哭衢塗曰此夫過舉踴步而覺跌千里者夫

哀哭之

楊朱戰國時人後於墨子與墨子弟子禽滑釐辯論其說在愛已不拔一毛以利天下與墨相

反衢塗跂路也秦俗以兩為衢或曰曰達謂之衢覺知也半步曰踴跌差也言此歧路第過舉半步則知差而

哭況跌千里者乎故甚哀而哭之易曰差以毫釐謬以千里也

此亦榮辱安危存亡之

衢已此其為可哀甚於衢塗

此謂求誠能之士也不求則滅亡故可哀甚於衢塗

也 嗚呼哀哉君人者千歲而不覺也

嘆君人者千歲而不知求誠能之士

無國而不有治法無國而不有亂法無國而不有賢士

無國而不有罷士

國語曰罷士無伍罷女無家韋昭曰病也無行曰罷周禮以嘉石平罷民

謂平之使善者也

無國而不有愿民無國而不有悍民無國而

不有美俗無國而不有惡俗兩者並行而國在上偏而

國安在下偏而國危

上偏偏行上事也謂治法多亂法少賢士多罷士少愿民多悍民少

之類下偏反是

上一而王下一而亡

一謂今行也

故其治法其佐賢

其民愿其俗美而四者齊夫是之謂上一如是則不戰

而勝不攻而得用兵不勞而天下服故湯以亳武王以

鄩

鄩與
錫同

皆百里之地也天下為一諸侯為臣通達之屬

莫不服從無他故焉四者齊也

齊謂無
所闕也

桀紂即序於有

天下之勢索為匹夫而不可得也

即序於有天下之勢
謂就王者之次序為

子天是無他故焉四者並亡也故百王之法不同若是所

歸者一也上莫不致愛其下而制之以禮上之於下如

保赤子政令制度所以接下之人百姓有不理者如豪

末則雖孤獨鰥寡必不加焉

不以豪末不理加於孤獨
鰥寡也四者人所輕賤故

聖王尤愛之孝經曰不敢侮於鰥寡而況於士民乎故下之親上歡如父母可殺

而不可使不順君臣上下貴賤長幼至于庶人莫不以

是為隆正

是謂親上也皆以親上為隆正也

然後皆內自省以謹於分

愛敬其上故不敢踰越也

是百王之所以同也而禮法之樞要也

是百

王之用愛民之道而得民也

然後農分田而耕賈分貨而販百工分

事而勸士大夫分職而聽建國諸侯之君分土而守

三公摠方而議則天子共已而止矣若出若入天下莫

不平均莫不治辯是百王之所同而禮法之大分也

亦謂

致愛其下故皆勸勉餘並已解上也

若夫貫日而治平權物而稱用

貫日積日

也使條理平正權制物使稱於用稱尺正反

使衣服有制宮室有度人徒有

數喪祭械用皆有等宜以是用挾於萬物

人徒謂胥徒給徭役者也

械用器用也皆有等宜言等差皆得其宜也挾讀為決

尺寸尋丈莫得不循乎制

數度量然後行則是官人使吏之事也不足數於大君

子之前

官人列官之人使吏所使役之吏數閱數也大君子謂人君也

故君人者立隆

政本朝而當

隆政所隆之政也當丁浪反

所使要百事者誠仁人也

主百事之要約網紀者謂相也

則身佚而國治功大而名美上可以王

下可以霸立隆正本朝而不當所使要百事者非仁人

也則身勞而國亂功廢而名辱社稷必危是人君者之

樞機者也

樞機在得賢相人君當為君人也

故能當一人而天下取失

當一人而社稷危不能當一人而能當千人百人者說

無之有也

論說之中無此事能當謂能用人之當也當皆丁浪反

既能當一人則

身有何勞而為

而為皆助語也

垂衣裳而天下定故湯用伊尹

文王用呂尚武王用召公成王用周公且卑者五伯

言卑

功業早於王者伯讀為霸

齊桓公閨門之內懸樂奢泰游玩之脩

懸

簾也泰與汰同抗與玩同言齊桓唯此是修也

於天下不見謂脩

天下不謂之修飾也

然

九合諸侯一匡天下為五伯長是亦無他故焉知一政

於管仲也是君人者之要守也

要守在任賢也

知者易為之興

力而功名綦大

智者知任賢之君也

舍是而孰足為也

舍是任賢之事何足

為之言其餘皆不足為也

故古之人有大功名者必道是者也

道行也必

行此任賢之事

喪其國危其身者必反是者也故孔子曰知者

之知固以多矣有以守少能無察乎

上知音智下如字有讀為又智下同

守少謂任賢恭已而已也

愚者之知固以少矣有以守多能無狂乎

此之謂也

守多謂自任主百事者也事煩則狂亂也

治國者分已定則主相

臣下百吏各謹其所聞不務聽其所不聞

謹謂守行無越思

各

謹其所見不務視其所不見所聞所見誠以齊矣

齊謂各當

其事不侵越也

則雖幽閒隱辟百姓莫敢不敬分安制以禮化

其上是治國之徵也

間讀為閑辟讀為僻安制謂安於國之制度不敢踰分徵驗也治國

之徵驗在分定

主道治近不治遠

人主之道如此

治明不治幽治一不

治二主能治近則遠者理主能治明則幽者化主能當

一則百事正夫兼聽天下日有餘而治不足者如此也

是治之極也既能治近又務治遠既能治明又務見幽

既能當一又務正百

當丁浪反

是過者也猶不及也辟之是

猶立直木而求其影之枉也不能治近又務治遠不能

察明又務見幽不能當一又務正百是悖者也

悖惑

辟之

是猶立枉木而求其影之直也故明主好要而闇主好

詳

任一相而委之是好要不委人而自治百事是好詳

主好要則百事詳主好詳

則百事荒

力不及故荒也

君者論一相陳一法明一指以兼覆

之兼炤之以觀其盛者也

論選擇也指指歸也一法一指皆謂綱紀也盛讀為成觀

其成功也

相者論列百官之長要百事之聽

列置於列位也聽治也要取百

事之治考其得失也要一免反

以飾朝廷臣下百吏之分

修飾使各當分

度其

功勞論其慶賞歲終奉其成功以效於君當則可不當

則廢

致致也周禮太宰歲終則令百官府各正其治受其會聽其政事而詔王廢置也

故君人

勞於索之而休於使之

索求也休息也

周國者得百姓之力者

富得百姓之死者彊得百姓之譽者榮三得者具而天

下歸之三得者亡而天下去之天下歸之之謂王天下

去之之謂亡湯武者修其道行其義興天下同利除天

下同害天下歸之故厚德音以先之明禮義以道之致

忠信以愛之賞賢使能以次之

賞當為尚

爵服賞慶以申重

之時其事輕其任以調齊之潢然兼覆之養長之如保

赤子

潢與混同大水貌也

生民則致寬

生民生活民謂衣食也

使民則綦理

辨政令制度所以接天下之人百姓有非理者如毫末

則雖孤獨鰥寡必不加焉是故百姓貴之如帝親之如

父母為之出死斷亡而不愉者無他故焉

不愉不字利耳

道德

誠明利澤誠厚也亂世不然汙漫突盜以先之

突凌觸盜竊也

權謀傾覆以示之俳優侏儒婦女之請謁以悖之

俳優 倡優

侏儒短人可戲弄者悖亂也

使愚詔知使不肖臨賢生民則致貧隘

使民則繁勞苦是故百姓賤之如匪惡之如鬼

字書無匪字蓋

當為疴病人也禮記曰疴欲暴疴而晏若新乎作賤之如他疾也

曰欲司間而相與投

籍之去逐之

司問伺其間隙投擲也籍踐也一作投錯之

卒有寇難之事又

望百姓之為已死不可得也說無以取之焉

論說之中無以此事

為得也

孔子曰審吾所以適人適人之所以來我也

此之謂也

適人往與人也審慎其與

傷國者何也曰以

小人尚民而威

尚上也使小人在上位而作威也

以非所取於民而巧

若兵甲田賦之類也

是傷國之大災也大國之主也而好見小利

是傷國其於聲色臺榭園囿也愈厭而好新是傷國

足厭

也一占反

不好循政其所以有啖啖常欲人之有是傷國

啖啖

并吞之貌

三邪者在匈中而又好以權謀傾覆之人斷事其

外

事任也謂斷決任事於外也

若是則權輕名辱社稷必危是傷國

者也大國之主也不隆本行不敬舊法而好詐故

故事變也

若是則夫朝廷羣臣亦從而成俗不隆禮義而好傾覆

也以不隆禮義為成俗朝廷羣臣之俗若是則夫衆庶百姓亦從

而成俗於不隆禮義而好貪利矣君臣上下之俗莫不

若是則地雖廣權必輕人雖衆兵必弱刑罰雖繁令不

下通夫是之謂危國是傷國者也儒者為之不然必將

曲辯辯理也委曲使歸於理也朝廷必將隆禮義而審貴賤若是則

士大夫莫不敬節死制者矣節忠義制職分百官則將齊其制

度重其官秩若是則百吏莫不畏法而遵繩矣秩祿也其制馭

百官必將齊一其制度使有守也厚重其秩祿使不貪也闕市譏而不征質律禁止

而不偏

質律質劑也可以為法故言質律也禁止而不偏謂禁止姦人不偏聽也周禮小宰聽賣買以

質劑

鄭司農云質劑平市價今之月平是也鄭康成云

兩書

一札同而別之長曰質短曰劑皆今之券書也左

氏傳

曰趙盾為政董述如是則商賈莫不敦慤而無詐

逃由質要或曰質正也

如是則商賈莫不敦慤而無詐

矣百工將時斬伐佻其期日而利其巧任如是則百工

莫不忠信而不桡矣

時斬伐即周禮仲冬月斬陽木仲夏月斬陰木是也佻與徭同緩也

謂不迫促也巧任巧者之任不迫促則百工自利矣桡

謂器用不牢固也晏子春秋曰景公之時晏子請發粟

公不許為路寢之臺令吏重其緒遠其涂佻其日而不

趨三年臺成而民振欲上悅乎君遊民足乎食彼佻亦

與此縣鄙將輕田野之稅省刀布之斂罕舉力役無奪

同也

農時如是則農夫莫不朴力而寡能矣

但質朴而力作不務他能也

士大夫務節死制然而兵勁

然而當為然後

百吏畏法循繩然後

國常不亂商賈敦慤無詐則商旅安貨通財而國求給

矣

所求之物皆給足也

百工忠信而不桡則器用巧便而財不匱

矣農夫朴力而寡能則上不失天時下不失地利中得

人和而百事不廢是之謂政令行風俗美以守則固以

征則彊居則有名動則有功此儒之所謂曲辯也

荀子卷七